








Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
1,449 4° 1914






Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
1,-449 4° 1914



Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
1,449 4° 1914



Early European Books, Copyright © 2012 ProQuest LLC.
Images reproduced by courtesy of The Royal Library, Copenhagen.
1,449 4^o 1914

1. - 449.


DET KONGELIGE BIBLIOTEK
DA 1.-2.S 14°



1 1 01 0 4 01914 8

+ REX





AMPLISSIMOS.
REGIÆ. ACADEMIÆ.
PROFESSORES.
MORE. MAIORUM.
OPPOSITUROS.
RELIOVOS. AUDITUM. TESTATUM.
UT. VENIANT.
QVIBUS. VOLUPE.
AD. MISCELLAM.
PARALYTICI. PRIMI.
HISTORIAM.
PRO. CATHEDRA. ORDINARIA.
THOMAS. BARTHOLINUS. D.
RESPONDENTE.
JOHANNE VVANDALINO.
HORULA. UNA. VEL. ALTERA.
PRID. ID. DEC. clb lbc XLVII.
IN. COLLEGIUM. SUPERIUS.
OFFICIOSE, HUMANITER.
INVITAT. CONVOCAT.

LITERIS MELCHIORIS WINCKLERI.

AMPLISSIMOS
 REGIAE ACADEMIAE
 PROFESSORES
 MORE MAIORUM
 OPPOSITOS
 RELIGIOS. AUDITUM TESTATUM.
 UT VENIANT.
 QUIBUS VOLUPE
 AD MISCELLAM
 PARALYTI. PRIMI
 HISTORIAM
 PRO. CATHER. ORDINARIA
 THOMAS. BARTHOLINUS D.
 RESIDENTE
 JOHANNES VANDALINO
 HORRE. W. N. ALTERA
 PRO. DEC. DE. DE. DE.
 IN. COLLEGIUM. SUPERIUS
 OFFICIOS. HONORATIS
 INVITAT.
 LIBERIS M. DE. WINGELER



HISTORIA PARALYTICI PRIMI
ex Quinto Joannis Evangelio.



Secundus hic est, sed primus secundi anni, **A**
quem miraculosa vi curavit Servator, ideò hic
à nobis excutiendus, quod inter capitis mor-
bos hoc anno explicandos primus se offerat.
Seriem brevi Analyfi seqvemur ab historico sa-
cro observatam, qui curationis per pisci-
nam meminit, mox planè Divinæ per verbum
Christi. A piscinæ loco seu situ ita orditur:
Comm. II. Ἔστι πρὶ τῆς αἰγυπτιακῆς κολυμβήθρας. Quæ conjungit *Theo-*
phylactus, Hieronymus, Vulgatus, in probatica piscina. Rectius no-
ster prope vel circa probaticam, νεκολυμβήθρας tertio casu efferatur.
Subintelligenda verò πύλη, ut vertunt LXX, quam Eliazib erexit *Ne-*
hem: III, 1. & 32. neutiquam cum aliis ἀγῶραι. sive quod per eam in-
ducerentur pecora, vel educerentur, sive ad sacrum usum abluerentur,
de quibus dubitans fortasse *Syrus* probaticam omisit. Κολυμ-
βήθρας rectè omnes piscinam reddunt, qua loco כַּרְכַּר utuntur LXX **B**
Interpretes. R. *Davidi Kimki* fons, *Pagnino* lacuna vel cisterna. *Sy-*
ro locus baptismi vel lavacri, ut & Arabico. Quod stagnum for-
san est Salomonis ad Orientem juxta Ophlan & Xystum lavandis
victimis prius destinatum, de quo *Josephus*, vel locus in quo ignem
sacrum abscondit *Nehemias 2. Mach. 1.* & apud *Josephum Gorion.*
non terræ motu conceptionis Christi momento erumpens, quan-
quam & hoc proposito inserviret, neq; piscina ab *Ezechia* exstructa
cum aquæductibus *4. Reg. xx, 20.* neq; mare fusile *3. Reg. VII.* sive ibi
salientis aquæ fons fuerit, sive thermæ aliunde deductæ, sive pluvia-
lis aqua, ut *Hieronymus* censet. Hinc βηθσεδα domus effusionis sive
aquarum, ab ἑψων, quod ideò constanter retinent *Codices Græci* o. **C**
mnes, sive sanguinis victimarum, quod tamen contra *Caninium* im-
probavit *Beza.* *Syrus* Beth-chesda vocat seu domum misericordiæ,
à *Chesed*, quod instar *Nosodochii* esset, quem, non Hebræum, sequen-
tæ glossæ marginales Danicæ, *Belgierningshus* exponunt. Vitiosè
autem *Vulgatus* Bethsaida, quem non satis feliciter defendit *Corn. à*
A *Lapide,*

Lapide, quia venatio piscium nusquam fuit. In ejus tamen gratiam
A idem vocis servavit *Arabs* Romæ editus. Formam piscinæ addit πέν-
 τε σαῖς ἔχουσαν, quam de porticibus exponunt pleriq; . Eas ex ædi-
 bus Italicis antiquis hauserunt & piscina mirabili Bajis à Nerone ex-
 structa, quia & porticus balneis Antonini additas notat *Lampri-
 dius*. *Maldonatus* murum exponit ad prohibenda pecora, quo mo-
 do adumbravit nobis *Adrichomius*, cum quinque portis. *Danus*
Stuur, quam benè, haud judicari meo. *Heinsius* post *Hemmingium*
 nostrum, ταμεία intelligit, & distincta conclavia, quæ in Centum-
 cellis Puteolanis, Thermis Badensibus, quoq; distinguntur. Quo
 significationis flexu cepit *Hesychius*: σαῖ, ταμεία, καὶ Ἰππιήκη εἰσίν.
Svidas quoque, σαῖ, τὸ ταμείον. Sed quo modo πλῆθος πολὺ in
 quinque portibus seu concamerationibus continebatur? Solvit du-
 bium *Nonnius* in Paraphrasi, quando πεντε τανυπλεύροισιν circum-
 scribit, h. e. lateribus in longum latumq; tensis, in quibus jacebat
 multitudo ἀσθενούντων varii generis, cæcorum, claudorum, arido-
 rum expectantium aquæ medicatæ motum, quem ab Auctore, tem-
 pore & modo describit. Auctor motionis nominatur *Comm. IV.*
Ἄγγελος. Non Raphael, ut exemplo Tobiae aliqui putant, quia Me-
 dicorum sit præses. Nam omnes sunt λειτουργικά πνεύματα *Ebr. 1,*
14 Sed vel Virtus DEI, ut *Hellenista* profitentur, vel æternus Angelus,
 ut *Bungus* autumat, vel venti æmulus spiritus, secundum cujus statas
 vices aquæ motæ fuerunt & mutatæ tam sapore quam colore & viri-
 bus. Statas has vices per καὶ ἐν exprimit *Joannes*, quas aliqui ad om-
 nia Judæorum festa extendunt, *Cyrillus* & *Tertullianus* ad Penteco-
 stis festum, & omninò *Ambrosius* ad unicum vertentis anni tempus
 restringit. Rectius *Euthymius* nullo definito anni momento, sed
 sæpius turbatam piscinam suspicatur. Nam καὶ distributionem
C in N. T. & universalem denotat & particularem, ut καὶ καὶ ἐν colle-
 ctivè sit sumendum. Pro quacunq; opportunitate ex *Hippocratis*
 notione aquæ mutatæ sive ex propria natura, sive anni tempore,
 quemadmodum in Calabria tres fontes, referente *Baccio* octonis di-
 stantes pedibus, singulis diebus duodecies exsiccantur, & in Campa-
 nia Ciceronis balnea semel tantum diurno tempore scaturiunt se-
 melque noctu, Luna tantum oriente aut deficiente, teste *Leandro*.
 Neque

Neque balneum montis Falconis, neque Insulae Cydoniae perenni a-
 quarum fluxu scaturiunt apud *Fallopium*, nisi verno tempore, & Tri- A
 gilla, fluvius apud Lucanos, si credimus *Pontano*, hyberno tempore
 adeo exsiccat, ut pecudes ibi stabulentur. De acidulis Alsatiae fi-
 dem facit *Sebizius*, nonnunquam effoetas esse & pristino vigore pri-
 vatas. Quod plerisque usu venit. Nostrae S. Helenae circa festum
 S. Joannis hominum plurimorum nobilitantur concursu, benignio-
 re sole temperatae, nec frigidioribus aestuantibusque mensibus ther-
 malium aquarum sive potio sive balneum fertur securum. Erant
 quoque in balneis factitiis Romae *οικαιρηγι*, seu certae horae. De fanis
 jam nihil. Aegri ante octavam horam ex instituto *Adriani* apud
Spartianum lavabantur, commodo ante coenam tempore. Idque aesta-
 te. Hyeme enim ante nonam, quod *Plinii Junioris* discrimen haud
 semper obtinuit. Ea hora lavit *Caesar* apud *Tullium*, ut deinde *εμ-
 πικλω* ageret. Ut igitur *καιρηγι* suos haberent haec aqua tam virtutis B
 quam fluxus, Angelus *κτ καιρηγι εταρασσετο υδωρ*, quod passivè ex-
 tulit *Vulgatus*, quia in antiquo Codice legerat *εταρασσετο υδωρ*, alii
 omnes activè, ad communis lectionis normam. Antea *κλινσις*, jam
ταραχη. Haec quam illa ponderosior vox. majores enim turbas no-
 tat. Quare *Ezech.* xxiii, 46. servant LXX. ne utique *Jerem.* xxix, 18.
 quod rectè observat *Aristarchus sacer*. Atque ita potius cum *A ia*
Montano dicemus *turbatam*, quam cum *Vulgato*, *Syro* aliisque *commo-
 tam*. Per limum turbata funditus aqua, quod *ταρασσειν* signat,
 phrasi à Medicis mutuata. Hellanicus quippe apud *Lucianum* ocu-
 lis suis optat *Aesculapii* filium, qui *ταραξας κ' εγγεας* ipsi *Φαρμακον*.
 Ita *κοιλινω* & *γαερα ταραττεν* apud *Hippocratem* passim de exsufe-
 rante dejectione interpretatur *Galenus*. *Celsus* resolutum ventrem
 vocat, & eleganter *fermentatum*, planè ad *Hispani* mentem, qui vertit,
y rebolvia el aqua h. e. ut *Interpres* addit, *levantavala en ondas*. Hoc
 pacto turbata aqua piscinae, ut ad summa efferbuerit lutum, à
 quo ferè & ad thermas & resoluta membra ductu *Practicorum* vis C
 ejus transit. Tumque indicium erat usibus aptam aquam, ut sicut in
 balneis Romanis ære *Thermarum* seu *tintinnabulo* horae tempus de-
 signatum, ita turbata aqua accurrerent in *camerationibus* exspe-
 ctantes. Miserec me sanè *Maldonati* ad miraculum confugientis,

quasi quieta potius quam turbata lympha prodesset. Etenim planè
A aliter se habet res. Quiete torpescunt subinde. Nec ulla foret efficacia
 perpetuo concursu haurientium, lavantium turbatis thermis Puteo-
 lanis, Aponensibus, Viterbiensibus, Lucensibus, Badensibus, nostris-
 ve S. Helenæ. Scio aquas quasdam turbatas esse noxias, ut Tiberi-
 nam & balnei Pisani *al acqua*; sed nihil moveor, quia non omnibus
 id, nec ex se contingit. Luto commistæ nervosas roborant partes,
 articulos, capitisq; quosdam affectus, quod de piscina hac deprædi-
 cat sacer Annalium conditor. Majorem, quod subnectitur, mere-
 tur admirationem; ὁ πρῶτος ἐμβὰς *Descendens*, quasi καταβάς, ut
Vulgatus, Syrus, Arabs habent. Utriusq; enim induit significatum,
ingredi & descendere apud *Svidam*: ἐμβαίη, κατέλθη. *Intravit, descen-*
derit. Et mox ipse æger *Comm. VII.* alius ante ipsum expeditioni
B gradu καταβαίης. *Seneca* dimitti corpora in piscinas dixit. Nemp-
 pe per balneorum gradus seu scalas modo pauciores, ut Bajis in bal-
 neo Ciceronis & Oceano *Ligorii*, modò plures ut in Badensibus no-
 vitis & vet. templi Matidiæ apud *Donatum*, quales ad diætam de-
 pingit *Plinius* in Epistolis. Hic *Mercurialem* probare nequeo, Apo-
 dyterium in thermis vet. cum *Frigidario* confundentem, contra ma-
 nifestam *Galenii, Oribasii, Plinii* auctoritatem, & rudera fidei. Ibi
 vestes deponabant sudoribus deterfis, hic conquisitum in caldario
 calorem temperabant. Nec jure *Vitruvium* incusat *idem*, quod tepi-
 darium, utpote Græcis ignotum, neglexerit. Etenim & hic tepi-
 darii meminit, & Græcis tepidarium consignat *Archigenes*. Labun-
 tur non minus Antiquarii, qui Laconicum credunt fuisse sphæriste-
 rium. Distinxit enim *Plinius* in Epistolis, & *Ligorius*, nec ratio dis-
 svadet. Pila *Vitruvii* in hypocausto sive de pice illitis cum *Celio*
Rhodigino & Mercuriale accipias, sive de quocunq; globulo, quod
C *Philandro* placuit, parum refert. Baptisteria autem ut plurimum
 ex lapide, marmore, ære aut ligno. Nunquam ex cornu Rhinoce-
 rotis, sicut ex malè intellecto *Juvenale* suspicantur nonnulli. Ne-
 mo ejus amplitudinis cornu Naturæ auctor observavit, nec mirum
 foret, uni tantum primoq; patuisse ingressum, frustra; Interpretes
 ad miraculum & Patres ad mysteria confugerent. Meo arbitrio, sine
 his effugiis sententia videtur subducenda. Gravius alterum;

Sanus

5

Sanus fiebat ὡδὴ ποτε κατέιχετο νοσήματι: vel de supra nominatis cœcis, claudis, aridisve intelligendum, vel de aliis omnium generum morbis curationem recipientibus. Ubi quærenti: *An Universalis Medicina dari in natura possit?* affirmaremus, ducti 1. Loci hujus auctoritate. Quocunqve tandem explicemus pacto. 2. Experimentis similibus à *Blochwitio* pro sambuco allatis. 3. Panacæa veterum ab *Æsculapio* prognata, per quam suos adjuravit *Cous*. Illo nomine gaudent simplicia multa, multa concreta. τὸ νηπενθές *Helenæ* apud *Athenaeum*. Comæ *Apollinis Callimacho*. Panaces herba *Plinio*, cujus genera describit *Theophrastus* & *Dioscorides*. Eoq; titulo dignantur *Nicotianam* herbam fumivenduli. Verius *Thea* conveniret *Chinensium*. Inter mixta minus competit Panacæa *Antonii Musæ* apud *Galenum*, *Nic. Myrepsum*, *Aetium*, qui emplastri quoque panacæa ad omne morborum ægrè curandorum genus adfert descriptionem. 4. Foliiis hellebori nigri in balsamum redactis, de quibus *Scheunemannus*. 5. Vomitoriis, sive loro *Scribonii*, sive potionibus helleborinis &c. quæ omnes cujuscunqve ferè morbi humiditates ex omnibus educunt partibus, ex ventriculo, ob viciniam teste *Hippocrate* & *Galeno*, etiam crassos humores, secus quam huic *Pergameno* visum, ex intestinis & Mesenterio apud *Fallopium* aliosq; thorace, capite ex *Coi* præceptis, ejusque morbis singularibus, in ulceribus *Hipp.* de Morb. dolore capitis *idem. Æginet, Abensina, Gentilis*. Pro aqua in cerebro, hemieranæa & Cephalæa apud eundem *Coum, Trallianum, Aetium, Mesuen, Aretæum, Aurelianum, Oribasium, Æginetam, Floravantem*. Pro memoria læsa *Aetius, Capi-vaccius*. Ad insaniam, Melancholiam & Maniam *Aurelian. Gariopontus, Th. Priscianus, Brasavola*. Ad Apoplexiam *Cels. Oribas. Aet. Aret. Gariop. Ægin. Abens. Aliabb.* Epilepsiam inveteratam *Cels. Trall. Paulus, Orib. Galen. Plin. Aet.* puerorum *Hipp. Fern.* Ad destillationes diurnas raphanos commendat *Aet.* Veratrum *Hipp.* Spasmo Cynico *Cels.* Tetano *Plin. Aurelian.* Tremori *Plin. Gariop. Abens. Paralyfi Ægin. Cels. Aet. Aurel. Aliab. Gordon. Manard. Mercat. Holler.* Oculorum morbis *Hipp. Gal. Cels. Paul. Actuar. Aet.* Aurium morbis *Hipp. Trall. Cels.* Reliquos persequi nihil attinet, quia de humiditatibus mihi certum, bile, pituita, melancholia, imò, quod miraberis,

A sanguine, per vomitum summa iuamenti spe rejiciendis. 6. Menstruo Universali Chymicorum, quo ad omnes morbos ab interna radice pullulantes utuntur feliciter quibus contigit mensis accubuisse Deorum. Sive quod naturam ad noxia expellenda roboret, sive quod feminarias impuritates tincturas simul dissipet, ut credit *P. Severinus* nostras, sive quod humores disponat ad recipiendam communem methodum, ut majori specie veri suspicatur *Dinheimius*.

7. Fontium Panacea. Rivulo in Daunio apud *Strabonem*. Nuperis *Hornbusanis* & *Itzeboanis* aquis, concursu potius quam universali medicina nominatis. Nostræ *S. Helenæ* præter ochram ostendunt nihil, nisi & hic, ut in plerisque aquis, experientia sit standum. Ad quam Panaceam referenda quoque piscina sacra. sed quomodo adhibita? Non potu, quoniam antiquis satis noto, secus quam multi contendunt, neque foris solo, licet & hujus apud veteres inveniam vestigia Antiquariis repugnantibus, verum per Infectionem veteris frequentatam, eamque non immersione & emersione, neque per natationem, sed cum quiete ægrotis propria apud *Galenum*, *Vitruvium*, *Plinium*, quæ varia præstat evacuando apud *Gal. Paul. Oribas.* emolliendo, teste *Aetio, Paulo* & experientia, exsiccando, humectando, calefaciendo, refrigerando, roborando, constringendo, aperiendo, adjuvando facultatem concoctricem, expultricem & hujus censis alia apud varios Auctores passim extantia, partibus plerisque dedicata, thoraci, stomacho, ventriculo, hepatis, lieni, intestinis, renibus, vesicæ, utero, nervosis partibus articulisque; ut cæcorum, claudorum, resolutorum in porticibus piscinæ commorantium. Quod si ad omnes promiscuè vis sanandi transit, ne utique id à victimis in ea ablutis habuit, nec à lignis crucis Christi in fundo, narrante *Genebrardo*, repertis, quia dubium an ibi fuerint, & quoniam latuisse in fundo concesserim, nullam tamen ligno crucis jam fabricatæ, minus crudo, in morbis curandis deferimus efficaciam. Patres enim *Jo. Chrysostrum*, *Damascenus*, *Cyrillus*. de spirituali loquuntur curatione, ut non crucis in deserto, sed serpentis ea fuerit vis, seu typi ejusdem. Imò non ligno sed signo crucis veteris Christiani fidebant, vel lignis cruore Christi tinctis. Nihil à materia traxit, sive Cedro, cupresso, pinu vel buxo, ex quibus crucem componunt *Chrysostrum*,
Beda

7

Beda aliiqve, sive oliva contra inventionis fidem, sive, quod verius, quercu, ex quo robore cruces Romanorum, teste *Silio, Plutarcho, Cypriano*. Nolim tamen *Becano* aut *Bozio* credi, huc spectare coronam querceam in Augusti numifinate OB CIVES SERVATOS. Nam corona prima ex ilice, esculo, teste *Plinio, Agellio*. Postea ex quercu, quia Jovi sacra arbor & amica apud *Virgilium, Ovidium, Claudianum*, parum dissentiente *Apollodoro*. At civica aliquando hederacea *Martiali*, aliquando oliva mixta *Statio*, & quod urgentius, non Octavii tantum Augusti in honorem cusi hi nummi coronati, sed Cæsaris, Caligulæ, Galbæ, Claudii, Antonini Pii, Trajani, & aliorum civium Romanorum ob servatos cives, vel ampliatis. Nec plus auxilii ex inventæ crucis, tempore Helene, historia, me sponse, invenient, mihi justis de causis juxta & magno *Salmasio* suspecta, quia altum ejus apud *Eusebium* istorum temporum æqualem est silentium. Addo non convenire inter se figmenti auctores. Nam *Theodoretus, Alexander Monachus, Ruffinus, Socrates, Sozomenus, Georgius Hamartolus* gravem mulieris morbum ab umbra sive contactu crucis depulsum, *Sulpitius* verò *Severus, Paulinus, Leo* Imperator in Bibl. Patrum mortuam scribunt ad vitæ rediisse usuras, quod *Nicephorus* cautior, famæ potius vulgi quam certæ relationi consignat. Nam *Ambrosius* solo titulo agnitam crucem profitetur, nullo alio miraculo. Ratio igitur Panacæ à Deo per occultam causam, à natura tamen haud alienam repetenda, quia & in aliis fontibus mirabiles observamus eventus. Ubra nutricibus restituit juxta *Negarinum* fons, teste *Leandro*. Styx nisi Asini cornibus nusquam continetur, si credimus *Seneca, Isidoro, Eliano*. Ab occulta fortassis venenatorum qualitate, qua Narviæ aquas refugiunt serpentes apud *M. Cromerum* in Polonia. *Cuspinianus* de S. Crucis fonte refert & in cruorem mutari subinde, & utilem multis langvoribus. In vortice Siculo vitæ restituantur suffocata ex *Aristotele*, & Puteolis in antro canino. In Sardinia perjuri vel occæcantur vel clarius cernunt ex *Solini* narratione & *Rhemnii*. Aquis B. Virginis Saonensis mirandam ad sanandum virtutem ascribit *J. B. Albertus*, & de voraginibus fluviorum nota res & decantata. Sed me contineo, quia in his rationi præferenda experientia, consilio *Herodoti* apud *Oribasium*, præfer-

tim

tim quum fundi istius naturam vel vaporibus, vel succis, vel metal-
A lis, vel lapidibus, vel terris imprægnatam nobis inviderit *Joannes*,
 ad hominem ægrum ab ætate, morbo, paupertate, & reparata sa-
 lute describendum hoc textu properans:

Comm. V. ὡς ἡ τις ἀθροῦπι Ⓞ κεί τριά κοντα ὀκτώ ἔτη ἔχων ἐν τῇ
 ἀδενεία. De morbi genere acriter disceptatur. *Αδενεία* omnem
 notat imbecillitatem *Matth.* xxv, 26, 44. *Jacob.* v, 14. *Suidas*: ἀδε-
 νεία, παλαιπωρία, νόσος, ἀδυναμία. *Imbecillitas, morbus, impotentia.*
 Apud *Hippocratem* ἀδενής ad morbum proclivis sive natura sive
 morbo, & ἀπό τῆς ἀδενέουσι Ⓞ separatur, quod hic ἀδενές εἶναι Ⓞ sit.
 Ita & *Matth.* x, 8. de valde infirmis. De imbecillitate remediorum
 quoque explicat *Galenus*, & *Suidas* ex *Aristophane* de paupertate, quia
 τὴν τυχλὴν ἰδίως νόσον φασίν. Noster utroque fato miser, recte ἐμπροσ-
 μοχθ Ⓞ dicitur *Nonnio*. Non quod orbus oculis fuerit, ut censent
 aliqui, sed quia perpetua nervorum resolutione corripereetur, quam
B *Paralyfin* Græci nominant. Huc inducor **I.** Auctoritate vet. Patrum
S. Ambrosii, Chrysostomi, Theophylacti, Gregorii. 2. quod pedibus vin-
 ctus ambulare nequiverit. Unde ἀτίνακτι Ⓞ *Nonnio*. 3. quia κερῖβρα-
 τ Ⓞ Paralyticorum proprius *Marc.* ii, 4. *Act.* ix, 33. per κλίνω *Matth.*
 ix, 2. *Luc.* v, 18. sive κλινίδιον *Comm.* 24. sed utrumque conjungitur *Act.*
 v, 15. quia apud *Suidam*: κλίνη τὸ κερῖβρατον, & τὸ ψῆϛ *Amos* iii, 12.
 per grabatum reddit *Vulgatus* & *Aquila*, quod lxx. est κλίνη. Ali-
 ter σκιμπίδιον, quod κερῖβρατον vocat *Hesychius*, in quo portari ægro-
 tantem ad balneum voluit *Galenus*, de cuius forma consulendus *Mer-*
curialis, affinisque erat illi lectus vel pensilis ex toto, ægrorum pro-
 prius apud *Celsum, Aetium, Priscianum, Aurelianum*, vel uno pede li-
 gatus instar cunarum. 4. Ab ætate Viri ad Paralyfin apta. Provec-
 tor enim erat & morbo & annis. Nam *Comm.* VI. πολὺν χρόνον ἔχει,
C quod non tantum de morbi tempore, ut *Erasmus, Beza, Tremellius* & no-
 ster *Interpres* vertunt, sed ætate quoque; ægri cum *Arabe, Syro, Vulgato* et
Lud. de Dieu accipimus, verosimile quippe ante xxxviii annos gran-
 diorem fuisse natu. 5. Accedit aer frigidior, si quidem tot annos sine
 cura exegerat. Nam a madido pallio manus paralyfis apud *Gale-*
num inducta. 6. Ratione clariori ex *Comm.* III. ubi ξηρὸς Paralyti-
 cos credo. ξηρὴ mulier apud *Com.* cui alvus resiccata, & ξηρῶδες
 δύσπνοια

9

δύσπνοος qui in tabe arescunt. *Suida* *Ξηρός ὁ ἰσχνός*, *gracilis, macilentus*.
 Egopro atrophiam, ultimo inveteratam Paralyseos gradu, teste *Ferne-* **A**
lio, interpretor. 7. A curatione per balneum, in Paralyti tam ab a-
 trophia, quam frigore commendatum vehementer *C. Aureliano, Pli-*
nio, Vitruvio, Sylvio, Mercuriali, Saxonia, Mercato, Sennerto, Zacuto.
 8. Eundem credunt *Leontius, Chrysofostomus, Euthymius*, qui *Matth. ix, 2.*
Marc. ii. Luc. v. Paralyticus vocatur. Sed eodem anno editum mira-
 culum alia intercessere, Paralytici in primis servi sanatio *Matth. viii.*
 Ille in domo, hic piscina erat. Hic Hierosolymis sine homine co-
 mite, ille Capernaum quatuor hominibus per tectum demissus
Marc. ii. Ille junior, noster consenuerat. Nam quod additur: *τριά-*
κοντα ὁκτώ ἐτη ἔχων: Inveteratum morbum notat, & curandi diffi-
 cultatem. Unde *νεῦσον κυκλάδα* *Nonnus* appellat, non ob annorum
 cyclum, sed *πείσοδον*, quia exasperata Paralytis, ut cepit *Galenus* de
 morb. tempor. Neque animus est ad infirmi symbolum hunc nu-
 merum cum *Augustino & Bungo* referre, quasi quadragenarius sanita-
 tis sit hieroglyphicum. Fortuitum monstrat octavus decimus annus **B**
Luc. xiii, ii. & duodecimus *Luc. viii, 43.* devotumque patientiæ exem-
 plum hinc condunt alii. Verius anni climacterici fructum dix-
 erim, si illi aliquid tribuendum. Index enim est *xlii.* anni, qui inci-
 det fortassis in annum ejus *lxiii*, si *xxxviii* annis, quibus morbo de-
 rentus fuit, addamus *xxv*. Accedit difficultati curationis senile cor-
 pus & prostrata vires, ut vix *βεβημύχρον ἄσθμα* responsurus Christo
 traxerit, quod ipsum inter *Ξηρός* asserit. Imò ministrantium pe-
 nuria. Nam queritur *Comm. VII: ἄνθρωπον σὺν ἔχω*: sive amicum,
 cujus opera in descendendo uteretur. Forfan Medicum voluit à
 balneis, qui cum *ἄνθρωπῳ* sit, si in foro Romano versetur, servus non
 fuit, quia hi in nullo censu. Hinc injurios in artem Divinam dix-
 erim, qui Medicos olim Romæ servos plenis buccis declamant *ICio-*
rum freti auctoritate. At si ex *Jctis* cum illis agamus, liberalibus fa-
 nè studiis Imperator accenset *ff. de Extmord. Cognit.* ubi eadem *§. i.* **C**
Medicorum causa est quæ Professorum. Alibiq; *l. vi. ff. de Excus.*
Tut. Grammaticis, Sophistis, Rhetoribus annumerantur *περιοδεῦσάς*.
 Qui quidem Circulatores ibidem appellantur, non quod *ἀγοραῖοι* fu-
 erint, sed Principum in itineribus socii, unde Comites dicti. Sano et-
 iam

B

iam

A iam sensu inferior Græcia *Ærodes* pro sanare dixit, secus ac magno *Polyhistori* visum. Juvat libertatem, quod Amici fuerint Principum, ut apud *Tacitum* Eudemon & *Senecam* & *Cassiodorum*, quum inter Dominum alioquin & Servum nulla amicitia. Ad Magistratum quoque eVectos Inscriptio Atestensis testatur, ubi Iunil *Vir Medicus*. Conjugia illorum alia decantant Inscriptiones, Romæ in Basilica olim *D. Petri*:

D. M.

C. CAECILIO. C. F. SAB.

AQVILÆ.

CAECILIAE. C. L.

MOSCHIDI.

C. CAECILIUS. DIETUS.

MEDICUS.

FILIO. ET. LIB. CONJUGI

SULÆ PISSIMIS.

B

Non absimilis infra Capitoliû: D. M.

CLAUDIÆ EVTYCHIAE.

CONJUGI. SANCTISSIMÆ.

BENEMERENTI.

HYMENAELUS. MEDICUS.

Servorum autem contubernia erant, non conjugia. *ff. de ritu nupt. l. 49.* & contubernales servorum uxores *l. 12. §. contubern. & c.* sicut eorumdem ferè peculium, non salarium, liberalium artium medicorumque stipendium. *l. 16. §. 1. de alim. legat. l. 4. de decret. ab ord. fac.* Nolo urgere legationes, quia exceptionem prævideo ex *l. 101. ff. de Verb. signif. & Scribonio Largo*. Functus tamen est Exagon apud *Plinium*, & de alio elegans extat Inscriptio *Mediolani*:

C. VALERI. PETRONIAN. DECURION. T. F.

SACERD. JUVEN. MED. CAUSIDIC.

QUINQ; GRATUIT. LEGATION. URBIC.

ET PEREGRIN. PRO REP. SUA. FUNCT.

VALERIUS EVTYCHIANUS VI. VIR. AVG.

PATER. FILIO INCOMPAR. ET SIBI.

C

Nec nominibus insistam, quæ servis rarò nisi sola, Medicis autem sua Prænomina, Cognomina & Nomina, ut *Aurelio Cornelio Celso*, &

passim

passim aliis. Præterire non possum expressam ingenui Medici Inscriptionem Romæ ad D. Crucis in Hieros :

M. JULIUS INGENUUS P. R.
MEDIC. COH. II. VIG.

Unde & Scholas suas habuisse, ex ruinis in Esquiliis observavit *Ligerius*, ibiq; suos tabellarios vet. marmor indicat ad D. Sebastian :

M. LIVIO. CELSO. TABULARIO
SCHOLÆ MEDICORUM
M. LIVIUS EVTYCHUS
ARCHIATROS. OLL. D. II.
IN FR. PED. III.

Medici tandem suos etiam servos alebant, ut *Cassius* apud *Scribonium*, quales erant Chirurghi seu Medici ludorum, veterinarii, ocularii, unguentarii, herbarii, medicamentarii, castratores, coci, tonsores, & alii ministri servientes, sicut *Aurelianus* vocat, quibus Archiatri primi & secundi ordinis, Archiatrorum Comites, & Eparchiatri imperabant. Non me terret *l. ambit. ff. de decret. ab ord. faciend.* quia in *l. 53. ff. de Verb. signif.* subsidium repperi. Nec lex *Aquila*, quia & huic occurram, nisi fallit augurium. Quamvis igitur & insanabilis fuerit Paralytici affectio deficiente Medico amico, curare tamen aggressus est Christus, quem Medicorum filii in se suscipere nec possent, nec vellent. Enimverò consilio *Hippocratis* ipsius in Arte, *Galenii*, *Seneca*, *Guidonis Cauliaci*, pedem referunt quam mollissimè quando servari nequeunt quos propria fors perimet, ne scilicet eventus mortalitatis ipsis imputetur. Magnus autem de cœlo Medicus verbulo imperantis negotium confecit. Dixit, & factum est:

Comm. VIII. Ἐγείρει, ἀπὸ τὸν κρείββατόν σὲ, καὶ ὠθεῖνάτε. Quo triplicis nobis miraculi fecit fidem, quod statim dictum factum convaluerit, tantasque momento receperit vires, ut & ambulare & grabatum ferre potuerit, quum ordines suos alioquin fervet. natura medendi artifex, pariq; temporis intervallo resurgat æger, quo laborare cœpit, statu neutro intercedente, & tandem quod verbo solo morbum restrinxerit, ut phrasi *Tertulliana* utar. Juvant verba variis prolata modis, ob murmuratione, susurro, elata voce, cantu, precibus, vel divina virtute, vel Magica, vel Naturali.

vina vi vel Christo propria *imperando*, ut in præfenti instituto, vel
A Sanctis communicata *orando*, in nomine JESU *Act. III, 6. IX, 34. XIV, 9.*
 Magica, verè impia, seu verbis significantibus seu barbaris pacto
 cum Dæmone vel expresso vel occulto, quam falsò à cœlestibus cor-
 poribus advocavit *Paracelsus*, de Philosophia sagaci audacter susti-
 nens tertia Magiæ speciei seu naturali posse quemcunqve proferre:
Surge, tolle grabatum tuum & ambula. Item: *Lazare expergiscere.*
 Quo incantationes veterum spectant, quibus sangvis Ulyssi repres-
 fus apud *Homerum*, Oroadanti apud *Heliodorum*, à peste liberata Ægy-
 ptus apud *Svidam*, luxata membra restituta, si *Catoni* fides, Ischiati-
 ci curati *Theophrasto*, podagrici apud *Varronem*, vecordia maritis in-
 jecta ex *Tacito*, percussi à scorpione procurati, ossaq; ex gutture ex-
 creata apud *Galenum & Trallianum*. Quæ, à Chirone quancquam
 usurpatæ, in *XII. Tabulis* damnantur, & ab *Ulpiano* in *l. i. ff. de Med.*
 ut ne Medicorum nomen mereantur quæ Medicinæ genera non
 sunt. Sed de malo carmine hæc accipienda moneo, qui certo cre-
 dam nec à naturali curandi ratione abhorreere omnes voces, nec su-
B perstitiosum in Epilepsia esse carmen cum *Fernelio*: *Gaspar fert myr-
 rham* &c. & experientiæ & rationi consentiēs, quemadmodum in su-
 furratis verbis sordiculæ oculorum & hordeola eruuntur, *Marcello*
 auctore. Cantu Cretensem pestem *Thales* expiavit, lymphaticos
Xenocrates, phreneticos *Asclepias*, melancholiam Saulis *David* Psal-
 tes, convulsionem à Tarantulæ veneno inductam *Appuli* sono phry-
 gio aut hypodorio, & plerosq; morbos Lesbii Jonesq; apud *Boëtii-
 um*, ut alia *Galenii*, *Averrhois*, *Aristotelis*, *Martiani Capelle*, *Marcelli*,
 hujus census loca prætermittam. Precibus *Psyche Apulejana* quid-
 vis à Cerere impetravit. In quam rem dignissimum adnotamus tex-
C tum *Jacob. v, 14. ἀδελφοί μου ἐν οὐρανῷ, advocet Presbyteros Ecclesie, & o-
 rent super eum.* Et *Comm. 15. Oratio fidei servabit laborantem, & eriget
 eum Dominus.* Quem de corporali curatione contra quosdam
 diversum sentientes, neutiquam de extrema Unctione Sacra-
 mentali gravissimis permotus momentis explico. 1. ex loco paral-
 lelo *Marc. vi, 13. 2. ἀδελφοί μου, de periculoso morbo sumitur, ut &
 ἀνάστατον, de jam ferè emortuo. 3. οἱ πρεσβύτεροι, Medicinæ gnari se-
 niōres, seu Ecclesiæ ministri utramq; olim scientiam conjungentes,
 aut*

sive

sive illi tantum qui dono miraculoso sanationum excellabant, ut
Paræus, Belgici, credunt, & *Brochmannus* noster sive omnes promi- **A**
 scue, qui regendæ Ecclesiæ præsunt, quæ *Calvini, Aretii, Piscatoris* fuit
 sententia. 4. Oratio communis est, non sacramentalis, de corporei
 bonis ad *Comm. xix. s. σώσει τὸν κάμνοντα*, *Syrus* vertit. sanabit corpora-
 liter, nisi utramq; sanandi viam cum *Hugone & Thoma* eligamus 6. ἐ-
 γερῆ δὲ τὸν, excitabit. *Vulgatus* alleviabit, de corporea valetudine u-
 biq; invenitur, nunquam de lætitia spirituali, ut fingunt, nec animæ
 salute, nisi in allegoria *Eph v, 14. 7.* Apertè à remissione peccatorum
comm 15. distinguitur. Nihil horroris incutiunt *Bellarmini, Corn. à Lap.*
 argumenta nullis precibus admittenda. Id unicum deprecor, quod
 plus ad proscribendos morbos ponam ponderis in sacris Oraculo-
 rum Divinorum verbis sine superstitione plebeja, ex fide prolatis,
 quam superstitiosis agyrtarum miraculis. Sed quicquid horum
 sit, si eo nos rerum compulerit necessitas, & hic & **B**
 alibi, quia Dii non sumus omnium
 capaces,

Moniti meliora sequemur.



AD. SECUNDUM.
N. T.
PARALYTICUM.
OMNIUM. ORDINUM.
AUDITORES. OPPO-
SITUROS.
PRO.
DISPUTATIONE. ORDINARIA.
THOMAS. BARTHOLINUS.
D. ET. P. P.


RESPONDENTE.
JANO. JOH. WANDALINO.
D. XXIV. JAN. clō lōcxlīx.
LOCO. HORISQ. NOTIS.
QUANTO. POTEST.
INVITAT. OPERE.



HAFNIÆ.
PRELO MARTZANIANO.

HISTORIA PARALYTICI SECUNDI

Ex Matth. viii. & Luc. vii.



Alterius Paralytici, Centurionis cujusdam, A
 historiam juncto studio *Matthæus* & *Lucas*
 texuerunt, in hoc tantum diverſi, quod
 ille brevior ſumma capita ſignarit, hic fu-
 ſiori opera circumſtantias ſit perſequutus.
 Credimus enim utrumq; ſcriptorem di-
 vinum, idem mirandæ ſanationis opus,
 rem eandem finita Panegyri in Caper-
 naum geſtam, diduxiſſe. Hanc nos in
 præſenti, more noſtro, Medico Commentario illuſtrabimus.
 Subjectum præſentis morbi, à Chriſto perſanati, ſive, ut aperti-
 us loquar, æger ipſe, δὲλος eſt *Luca*, *Matthæo* πᾶις, quæ pari ſi-
 gnificationis paſſu pro Centurionis filio ambulat, ne utiquam
 de ſervo explicanda, quemadmodum omnes ferè *Interpretes* B
 ſuſpicantur, Romanæ civitatis ignari. Solus *Italus* ampliori vo-
 ce *il mio famiglia* delectatur, ut fruſtra ſit *Ambroſius* certo conſilio
 factum ratus, quod ad filium Reguli ire noluerit Chriſtus, ſed ad
 ſervum Centurionis. Πᾶις utriq; hiſtorico perſæpe, *Matthæo*
 ſemper appellatur, qvi filij induit notionem *Matth.* xii, 18. & alibi,
 ne Græcos *Interpretes* nobis obvertat *Chemnitius*, aut aliorum lo-
 corum conſenſum, quæ vel ad Deum referuntur, vel populum
 diverſis inſtitutis à Romanis diſſidentem. Ἔτι quid ſit, non i-
 gnoro. Sed latiore ſenſum indulget *Mercerus*, à quo nec profani
 abhorrent. Apud Græcos frequentiſſimo uſu πᾶις de Filio cu-
 juſcunq; ætatis, & παῖδες de liberis uſurpantur apud *Homerum* C
 II. ψ. & υ, & Od. a. *Platonem* de Rep. 2. *Lucianum* de Cal. *Plutar-
 chum*. de frat. char. *Thucydidem* L. 1. Quibus adde *Euripidem* He-
 cub. Prol. De *Filia* quoq; cepit *Aratus*, *Sappho*, *Pausanias*, *Laërtius* &
 alij, quorum ſignata verba congeſſit *H. Stephanus*. Puèri no-
 menclatura apud *Paulum* Ictum L. 204, ff. de verb. ſign. non tan-
 tum ſervum & puellam, ſed quamvis ætatem puèrilem comple-
 ditur,

A titur, five ea fervorum sit, five ingenuorum. Quod nec alijs infrequens. *Hellenistis παιδες τῆς Δαβιδ* milites ejus dicuntur, quo nomine & Praefecti supremi à Rege passim ijsdem Græcis veniunt, annotante *Heinsio* c. 20. *Arist. Sacr.* Ita *Joab Hellenistis παις βασιλέως* erat 2. *Sam.* & alij, quos minus propriè fervorum catalogo ascribimus. In Republica sanè Romana, cui Centurio ejusq; exercitus parebat, summo studio & deliberato consilio cavebatur, ne nomen servi militiae darent, ut ex edicto *Marciani* constat *L. ab omni* ff. *de Re mil.* alioquin capite puniendi. Quis id Centurionem ausum pertendat? Malè sibi consulisset, & ut inquisitor, peccasset, si quidem de lectis vera prodidit *Plinius* *L. x. Epist. 39.* Nulla præterea ibidem fervorum cura, quia pro nullis habiti *L. 32. ff. de div. reg. jur.* & par illorum cum mortuis conditio, quia mortalitati comparatur servitus *L. 209. ff. de div. reg.*

B nec ulla inter eos & Dominos amicitia. Noster tamen ἐνπιμος erat Centurioni *Luc. vii. comm. 2.* cujus sanitas repetitis per Seniores Judæorum & alios amicos Legationibus, imo per Patrem ipsum procurata diligentissimè. Sequutus ea parte prudens Centurio aliorum Imperatorum exemplum qui de ægrotantium militum valetudine anxie laborarunt. Testis *Vegetius* *L. 3. R. Mil. c. 3.* *ut ægri contubernales opportunis cibis reficiantur, ac medicorum arte curentur, Principum, Tribunorum & ipsius Comitum, qui majorem sustinet potestatem, jugis quaeritur diligentia.* Quo fine apud *Vitruvium* *L. 1. Archit. c. 4.* exta inspiciebantur in castrorum positione, & *Consul Censorinus, Appiano* teste, in obsidione Carthaginensi castra mutavit. A *Lampridio* laudatur *Everus, & Hadrianus à Spartiano,* quod de militibus agris adeò fuerint solliciti, ut carpentis vehendos curarint, necessarijs omnibus adjuvarint, & ipsimet per tentoria visiterint. Infra dignitatem hæc reputassent, si res fervorum fuisset acta. Quod si ὁ βασιλικὸς *Joh. iv.* huc spectaret, omnia forent expedita. Sed justis de causis aliò agrum istum relegamus. In quo tamen annotandum quod *Syro ὁ ὅς* iste sic *נחמך דבך דל* βασιλικὸς, sicut *Homero* θεράπων *ἄνη*, & 2. *Sam. 2. 30. 31. δῆλοι δαβιδ*, pro militibus. *Δῆλοι* igitur hic est Centurionis apud *Lucam* qui *Johanni ὁ ὅς.* Quod si displi-

displiceat, alias subornabo causas, cur *Lucas* δῶλον maluerit. Sive quod in patria adhuc esset potestate, non dominical. i. *Inst. Just.* A tit. 8. de *Perf. div.* & L. 1. ff. de *his qui sunt sui vel alieni juris*: Sive, quia Medicus fertur *Lucas* Romani ægrotantis descripturus morbum, quod pristinam valetudinem ambiret Centurionis filius. Nam in L. 2. §. *Stichus*. ff. de *stat. liber.* Servire nobis illi intelliguntur, quos curamus ægros. Nullum est effugium *Guil. Aderi* Enarr. 2. aliorumq; ; ipsum Centurionem accessisse, si pro filij salute supplicasset: Etenim apud *Matthæum* ipse dicitur advolasse Centurio, quum animadverteret scilicet in vicinia esse Christum importunis Seniorum amicorumq; precibus illectum. Iter subterfugiebat, ne solum sine auxilio filium, mortis candidatum, in tentorio relinqueret; vel, quod vero fit similius ex *Luc. comm.* 7. quia μή ικανόν, seu μή αξιον se judicaret, communibus hominum erratis obnoxium, & Paganum à fœderis sancti religione alienum. Certum enim est militiae Romanæ Prætoriae cohortis fuisse Centurionem, de cujus dignitate & officio videtis *Vegetium* L. 2. R. M. c. 8. 16. *Sigonium* L. 2. Antiq. Jur. Prov. c. 2. sive C. Cornelius is fuerit, C. Oppij Centurionis Pater, ut suspicatur *L. Dexter* in Chronico à *Corn. à Lapide* in Chronotaxi citatus, sive alius. Nihil meo iudicio vetat quo minus etiam nati- vitatis suæ ipsum puduerit, secus quam contendit *Maldonatus*. At Palæstinæ natales debuisse, nunquam mihi persuaserit *Hilarius*, aut *Comizenius*. Quid enim illud *Luc. vii. 5.* αγαπα τὸ ἔθνος ἡμῶν? Quorsum *Matth. viii. 12.* υἱοὶ τῆς βασιλείας ἐκβληθήσονται, h. e. Judæi, quorum prærogativæ recensentur *Rom. ix. 4*? Filium autem adducere præsentem nec itineris patiebatur difficultas, nec ultimum gravissimi morbi momentum, verè fontici, qui ex *Cassio* apud *Javolenum* cuiq; rei nocet, vel, ut clarius *Marcellus* defini- vit L. 6. ff. de *Re Jud.* qui cuiusq; rei agendæ impedimento est.

De morbi genere paucis disputandum. Non exprimit *Lucas*, nisi quod fuerit κακῶς ἔχων. *Matthæo* tamen παράλυσις placet: βεβληται ἐν τῇ οἰκίᾳ παραλυτικός Ne de eo dubitemus, similem Paralyticum seq. capitis commate 2. βεβλημένον exposuit. Liberalior *Grotius* Apoplexiam amat, quæ perijt.

A Celsus quidem L. 3. c. 27. suo tempore *παράλυσιν* utrumq; appellari vidit: verum exemplo carere, rectè monet *Ronssens*. Infanabilem autem esse & *παράλυσιν* confirmatam, nullus Medicorum dubitat, ipso præeunte *Celso* jam laudato. Duplex ea quum sit ex *Marcello Empirico* c. xx. una cum contractione, quam *condūctionem* nuncupat *Aurelianus* L. 2. Chron. c. 1. altera cum remissione nervorum: Illa autem sit vel permanens vel intercurrentis; illa m, aliis *Pseudoparalyfin*, pleriq; videntur elegisse tam *Interpretes*, quam *Commentatores*, vocantq; *contractos* ea Paralyfi correptos. *Germanus Sichebrüchtig* vertit, *Danus* vetus *Werkbrøden*. Reliqui nomine generis acquiescunt rectius, ut & *Glossæ* marginales *Danica* *halfrørd*. Nihil enim video gravioris causæ, quo minus vera & legitima nervorum resolutio esse poterit, quam *παράλυσιν* vocant Medicorum filij, & *παράπληγίαν*, & *ἡμιπληγίαν*, & *πίρεσιν*. Illam sacer vates hic sequitur, in qua, ut eleganter *Hilarius* loquitur, *artus undiq; fluidi & ad consistendi officium agendiq; corrupti*. Negant strenuè *Theologi* quidam magni nominis, quia nervorum resolutio partium est particularis. Verum enim verò ignorant boni illi Viri singulorum nervorum exortum, progressum & infertionem, à quorum resolutione inducitur *παράλυσις*. Non strictis adeò limitibus constringitur. Et partes singulas discretasq; occupat tam externas quam internas, & totum latus, imò, quod mireris, universum corpus minutissimis quibusdam particulis exceptis. Idq; à diversa nervorum diversorum affectione. Ex infimæ conjugationis resolutione, inferiores partes motu sensuq; destituuntur, ex superiorum passione reliquæ ad quas deferunt animalem spiritum, sive plures sive pauciores pro nervorum varietate, deficient. Unde particulares emergunt *Paralyses palpebrarum, lingvæ, gutturis, manuum, penis, crurum, cordis* & sic consequenter. Extant illarum in sacris quoq; exempla. Manuum *Esa.* XIII, 7. Lumborum *Ezech.* XXIX, 7. genuum *Nabum.* II, 10. Metaphorica partim, partim propria. *Manus* ex affectis nervis quinti, sexti & septimi partis cervicis, & primi secundiq; Thoracis, labascunt. *Crus, genu pedesque* nec movent se nec sentiunt, si incommodum sentiant nervi

ex offe sacro prodeutes, & Lumborum vertebris. *Lumborum*
 musculi officio suo fungi nequeunt, nisi expeditiores reddantur **A**
 à nervis lumbaribus. Quod malum experiuntur & *renes*, ad
 sensum nervis stomachicis instructi. Non nos moveat quod
 intus se recondant, quando quidem ratione credibile judicat
Aurelianus L. d. interiorum singula vitari, ut *pulmonem, cor, vel*
discrimen Thoracis atq; ventris, (h. e. diaphragma) *vel splenem, aut je-*
cur præveniri adprehensione mortis patientem. Ita quippe locum
 obscurum facili mutatione restituo, textu non repugnante.
 Nam in his resolutionibus patiens prævenitur *adprehensione mor-*
ti, h. e. nullis signis aliis prægressis signatur quam morte ipsa, quo
 modo *signa* per *adprehensionem* propriam statim explicat. In ea-
 dem sententiâ fuisse *Herophilum* idem monet, *repentinam mor-*
tem nulla ex manifesta causa venientem, fieri cordis paralyti.
 De resolutione *oculorum, lingvæ, carnis* ex *Zach. xiv, 12.* quam in
 Harmonia adducit *Chemnitius*, ipse dubito, adeoq; alibi excutien-
 da. Non quod mihi lateat, quid oculis, lingvæq; accidat, nec **B**
 quid de carne seu musculo affecto tubtilis *Capivaceus* frustraneo
 opere rimetur, si *Galenum* 4. L. A. c. 4. ad veriores partes voca-
 verit. Totum Latus pari facilitate vis morbi pertentat, quando
 ad alterum spinalis medullæ principium dilabitur. Quin uni-
 versum ferè corpus comprehendit, & in Apoplexiam deinde mi-
 grat. Testis *Aurelianus* laudatus: *Hæc passio nunc partis est, nunc*
partium, nunc totius corporis. Tale exemplum observasse se in
 scorbutico *D. Janus* Medicus Regius narravit, cui tamen illa
 erat gula. Hinc lato Apoplectici nomine non rarò venit *παρά-*
λυσις apud *Hippocratem*. Excutiat loculos suos *Fæsius* in oecono-
 mia. Nobis sufficiat *Aph. xl, sect. 7. τὸ ἀπόπληκτον*, quod ex
 L. 1. de *Morb. v. 50.* facem mutuatur. Idq; quia *Galeno* in *Def.*
Med. tantum ut pars à toto differt. Majori specie veri convul-
 sionem putat *Aderus*, cujus vestigiis institit *Corn. à Lapide*, quia **C**
βασανίζομεν additur. At Paralytis sine sensu est, sine motu.
 Centurio verò Medicinæ imperitus cum vulgo loquitur, paraly-
 ticos esse quoslibet motu captos. Hinc ut se extricent, valdè
 sudant. De principio accessionis nullum dubium, priusquam

A confirmetur. Habet tum sua tormenta, suos cruciatus. Displacet id *Chemnitio*, quia non in principio morbi erat famulus, sed *ἔμελλε τελευτᾶν*, *Adamus à Contzen* miram hoc cruciatu vocat Paralyfin & subitam, non ordinariam. Ego nullo labore tormentorum istorum in vera Paralyfi rationes inveniam. Nam 1. *Βασανίζομεν* *Θ* dicitur jam moriturus, ubi dolor anxietasq; ex ambiguo vitæ mortisq; certamine & morbi vehementia exacerbantur. 2. Ob diurnam molestissimi morbi moram satis animo cruciatuum conceperat, & infelicis vitæ tædia, ut velut per lapidem lydium sine alijs tormentis fuerit probatus. Ea verissima hujus vocis est notio, ut auctor est *Suidas* collectis in eam significationem veterum testimonijs, magisq; propriam esse quam de tormentis & quæstionibus jocus *Luciani in Soloec*, pueri *βασανίζομένους* clare ostendit. 3. Vel succedebat Convulsioni Paralyfis, vel uterq; affectus erat complicatus rarissimo exemplo, quod observarunt tamen *Hippocrates* in illo cui auris dolebat post Vergiliarum occasum *L. 4. Epid. S. 7. Abensina 3. fen. 2. Forestus L. 10. Obs. 95. 121.* & ego non ita pridem in *Anna Longomontana* deprehendi. Nec mirum si ex *Aureliano*, *Marcello* alijsq; Paralyfin cum *conductione* sive contractione admittimus, modo remittente, modo perdurante. Hinc rectè *Valesius* in *Epid.* determinavit, passiones esse loco affecto & materia similes. 4. Impossibile non arbitramur dolores cruciatusq; partibus subinde pro causarum varietate insidere; quando illæso sensu motus tollitur. Hinc *μετὰ βασάνους μεγάλης* resolvebatur *Alcimus 1. Machab. 9. com. 55.* quem verum credo Paralyticum, secus ac summo Theologo visum, auctoritate *Cælij Siccensis* in simili Paralyfi fretus. 5. Orta forsan Paralyfis ex casu vel vulnere, ubi maximo doloris sensu, prout vel lethalis fuerit, vel minus noxia, percelluntur. Hujus farinae resolutiones subministrant nobis longa serie *Galenus 3. L. A. 10. & 4. L. A. 4. 5. Aurelianus 1. 2. Chron. c. 1. Gradus in Rhaz. Forestus 1. 1. obs. 95. 121. Schenckius ex A. Benedicto L. 1. Obs. 172. Zacutus L. 1. Hist. Med. 48.* alijsq; numero plures. 6. In Pseudoparalyticis dolorem describit *Horstius* noctuq; dieq; perseverantem

tem, referente *Schenckio* L. 1. Obs. 179. 7. Quid si cruciatus hos resolutioni super imposuerit malus Damon in hominum tormenta promptissimus? Nihil definivero, cuius ulterius cogitandi arbitrium relicurus, quanquam promptior sum intra Naturæ limites me continere.

Nam *Causas* Naturales huic affectioni assignarim varias. Taceo consuetas tritasq; , frigiditas, lentas, humiditas. Hominis conditio & doloris magnitudo vulnus inter primas causas asserit. Vel enim miles erat, seu *δελος ἄρηος*, vel inter milites quotidiè versabatur. Si ætatem juvenis spectemus & ferventioris climatis temperiem, calidioribus humiditatibus auctum malum & accensum, secus ac contendunt *Mercurialis* L. 1. Prax. 20. *Rondeletius*, c. 23. *Cur. Morb.* vel sanè ipsa calidior intemperies, densando nervos & exsiccando, humoresq; in reliquo cerebro frigidiores colligando passionem acceleravit. Ex tertianis Paralyfes observavit *Fernelius*, ex *Colica Paulus Aegin.* l. 3. c. 18. 43. *Nicolas Flor.* f. 5. tr. 8. c. 40. *Trincavellius* l. 3. c. 1. *Pulverinus* c. 55. *Art. Med.* &c. Ex Peripneumonia *Galenus*. *Saxonia* ex oris ventriculi inflammatione. Omnia ex bile per primam *της μεταπώσεως* speciem translata, transmutata, temperata, quæ quidem, quia sui subinde relinquit vestigia & membranas quasi *εν κερύθω* per vices lambit, convulsiones Paralyfi miscet, meatu non penitus intercluso, sive id fiat quando pori obliquè concludunt, ut *Cassius* Probl. 8. prodidit, sive alia ratione ab hoc loco & instituto aliena.

Quamcunq; eligamus Paralyseos nostræ occasionem malè omninò *auguramur* ex causis ipsis, morbo, & symptomatibus. Accidentia duo vehementissimè affligentia eventum minus prosperum portendunt. Dolor ingens *δεινῶς βασανίζομενος* *Matth.* comm. vi. *κακῶς ἔχοντος* *Luc.* com. 2. & virium totiusq; corporis iactura, insigni verbo à *Mauro* expressa. *Βεβληται*, projectus est. *Vulgatus*, jacet, quam rectè ipse viderit. *Urgentius* alterum, sicut & socrus Petri infra *comm.* 14. dicitur *βεβλημένη*. In quam sententiam *Virgilius*:

Sternitus, & toto projectus corpore.

Cui

Cui opponi cernas apud Hippocratem 4. Epid. f. 7. ἐσήμε, in alio
A Paralytico. Si ex causis ominemur, parum misero spei. Si
 mali originem vulneribus debuit vel alio casu, ob divisum ner-
 vum incurabilis pronuntiatur ab Ægineta L. 3. c. 18. Abensina, nisi
 juvamen post incisionem sentiatur, nec totus sit præcisus. Con-
 trarium quidem in Comite Hercule Bevilaqua refert Saxonia;
 sed de combusto nervo accipiendus neutiqvam reciso, prorsus
 desperato. Quod si humiditates frigidas, lentas, ad harum cau-
 sarum censum vocaverimus, fulmen adest Hippocratici oraculi
 2. Aph. 34. Dissentanea quippe est affectio & τῆ ἡλικίῃ, & τῆ
 φύσει, & τῆ χώρας, adeoq; gravissima. Ætati, quia juvenis,
 πῶς Centurionis. Naturæ, seu temperamento, quia calidiores
 qui orientem solem adorant, & ipse militaris ordinis tyro for-
 san, æstuante circum præcordia sanguine, ut Turno olim Æn. XII:
 Ardebat in arma magis.

B Regioni, quia Capernaum Galileæ metropolis sicco & calido so-
 le torretur. Apposite igitur Aurelianus noster L. 1. Acut. c. 3:
Illud in ægritudine semper magis afficit, quod à natura plurimum recessit.
 In cujus veritatem diligenter, nec infelicitè Galenus in-
 quisivit. Non minus periclitabitur æger Centurionis, si ab
 aridis calidisq; causis Resolutio illius dependeat. Eadem pre-
 munt difficultates, ex adverso sibi oppositæ. Juvenes calidi
 sunt humidisq; neutiqvam sicci adustive. Regio quanquam
 calida, inter temperatas numeratur. Consuetudo deniq; seu
 vitæ institutum moderatum fervoris gradum expostulat. No-
 tum Fl. Vegetij consilium L. 1. R. M. c. 2. tyrones de temperatioribus
 legendos esse plagis, quibus & copia sanguinis suppetat ad vulne-
 rum mortisq; contemptum, & non possit deesse prudentia, quæ
C & modestiam servat in castris, & non parum prodest in dimica-
 tione, & consiliis. Ad morbi deniq; ideam si respiciamus, in-
 ter conclamatos habetur. ἐμπεδὲ τελευταίαν apud Lucam Medici-
 næ peritum, quoniam eò jam vis morbi ingentis processerat,
 unde pedem referre difficile, & quanquam inducias mors con-
 cederet, Paraplegia in Apoplexiam levi de causa degenerat.
 Celsus L. 3. c. 27: *In partibus fere insanabilis morbus est.* Ita enim
 pro

23
pro sanabili, omnino legendum. Denique, si quidem composi-
tus est affectus, ex resolutione cum convulsione, augetur peri-
culum vix evitandum, quum juncta unum affligant, quæ singu-
la solent jugulare singulos. A

Anxia hac spe vexatus Centurio, condiculis præficis, con-
clamatis omnibus, filij salutem ultimo auxilio procuraturus,
audita de Christo fama, divino Medico & plurimis experimen-
tis nobilissimo, Seniores primo Judæorum mittit, qui deman-
datum legationis munus fideliter nimis exsequuntur, ultra quam
sperare vel posset vel vellet. Mox facili in petitionem Chri-
sto, quum urbi vicinus esset, amici occurrunt Centurionis nomi-
ne rogaturi, superfederet tanta itineris molestia, non se dignum
cujus gentile tectum subeat, nec illius desiderari præsentiam
qui absens omnia verbulo uno potest expedire. Urbem au-
tem ipsam quum inter hos sermones benignus in vota suppli-
cum intrasset, tenuitatis suæ conscius sibi Centurio, iisdem ver-
bis Christum aggreditur, quibus legatos amicos instruxerat. B

Duplicem errorem prudens alioquin Centurio videtur com-
misisse tanto fastigio indignum. Importuno sanè consilio se-
roque Medicum advocat expertum, quum jamjam evolaturus
spiritus in labijs pueri hæreret. Vitium seculo nostro & cœ-
lo familiare, in vigore & summo morbi articulo de Medico co-
gitare, quum conclamata res &

Salus est nullam sperare salutem.

Ab his curis malis cavendum monet *Guido Cauliacus*, & ubi pro-
gnosticis alioquin relinqvendi ægri in bivio vitæ mortisq; tutius
est, qui servari non potest, suasore *Celso*, non attingere, ne Me-
dici aut ignorantia aut negligentia perijsse videatur. Peccat
præterea Centurio aliud peccatum, quod Medici præsentiam
minus credat necessariam. Quia veritate à verbo ejusq; effica-
cia se junxerit personam Christi, litigent inter se Theologi. Apud
nos ardua agitur quæstio: *An absens Medicus rectè curet?* Præ- C
sentiam Medici plurima exposcunt, morbi status & tempora,
accurata causarum notitia, ægri temperies, consuetudo, habi-
tus corporis & animi, accidentia præsentia, imminetia, & re-
liqua D

Aliqua signorum sylloge, quibus ignoratis ne titivillitio affirmari
 rim seu Medicum seu susceptam curationem. An ex solis
 transmissis urinis acquiescere queant, nolim determinare. Sunt
 ita in arte Uromantica exercitati quidam, ut morbum quem
 vis absentes divinent. Nuper id Daventriæ Chirurgus pro-
 fitebatur, à quo quasi aliud agens didicit domesticus ejus, Vir Do-
 ctus, amicus noster, jamq; alij sollicitè id exquirunt. Cate-
 rum nemo approbaverit vulgi indocilis superstitionem, quod
 nullo casus aut ægritudinis discrimine, nulla aëris externi inju-
 ria, nullaq; commotionis intervenientis differentia, non raro
 absentium ægrorum affectus ex Medicis per vim quasi extorque-
 ant. Rectè hi bullatores Medicis cordatoribus debent ludi-
 brium nuper à magno nostri ævi Asclepiade, *Olao Wormio* damna-
 ti. Ingeniosum se hæc parte præstitit Medicus quidam Batavus.
BRustico urophoro quærenti an ex bigis vel quadrigis æger frater
 esset lapsus, quum malè bigas divinaret & aliquid tractu itineris
 profusum intelligeret, respondit: in deperdita urinæ parte reli-
 quas duas rotas delituisse. Suspenso naso excepi & ego quandam
 ex turbata quatuor abhinc leucis matula, an Lue venerea infectus
 esset maritus, inquirentem. Risi spectatum admissus. Scor-
 butum, malum inquilinum, pervidere me dixi, ne utiquam Luem
 aliam, quæ itineris spatio evolaverat. Absentes febres
 civis quidam noster tinctor depellit, accurato paroxysmo-
 rum inito numero. Quid de morbis sympathicis dicendum?
 Armarium unguentum, multorum ingenijs nobilitatum, & pul-
 vis, quem sympathicum nominant, in Gallijs nunc usitatus,
 vires ad locum longius distitum diffundunt. Crudus à vul-
C nere culter, lardo impactus, idem vulnus per sanare apud vul-
 gus nostrum fertur. Non ignoramus quo nomine curationes
 sympathicæ malè audiant, quamq; acriter se *Senertus* l. 5. Prax.
 p. 1. c. 10. *Athanasius Kircherus* in Arte Magnetica. F. *Licetus* c. 55. de
 Quæst. Epist. tom. 2. & *Herm. Conringius* Med. Herm. c. 18. Viri In-
 clyti, opposuerint. Verum enim verò *Crollio*, *Goclenio*, *P. Ser-
 vio*, *N. Papinio*, alijsq; horum fautoribus libentius, sano tamen
 sensu, accesserim, nec nimium illis tribuens, nec plane damna-
 re au-

25

re ausus, quum infinita utriusq; sympathiæ sint exempla, à fini-
bus Naturæ minimè profliganda. Quidquid horum sit, quan- **A**
quam rarò absens Medicus artis suæ det specimina; Centurio-
nem tamen utraq; hac culpa absolverim, quod de cœlitus de-
misso Archiatro securus, supraq; communem sortem elato,
summa spei nîsus fiducia Jesum in extremis conclamati pueri,
corpore absentem, virtute tamen & divinitate præsentem ubiq;
imploraverit. Tantoq; libentius intentato crimine liberarim,
quod vocare & ipse & per amicos voluerit Medicum, ut hoc
pacto ejusdem gravitatem tueretur. Pessimè se profituit agyr-
tarum natio, quæ ostiatim ægros, velut mendici stipem, sponte
sua conquirat, invitâq; mortalium mercatur animas. Et no-
tis & ignotis invidiosa erit hæc sive avaritia, sive stoliditas.
Apud hos fallaciæ emergit suspicio aut insidiarum, apud illos
contemptus. Promptissimus autem in vota ægri fidentis & **B**
venerabundi Christus, exemplo suo prævit non esse denegan-
dam opem aut hostibus, quales Paganierant & Judæi delegati,
in quo errore versatur *Julus Alexandrinus*, aut alijs Divinæ artis
contemptoribus, si quidem omnibus ex officio se obstrinxerit.
Alia enim ratio illorum, qui Magistratui summo tantum obli-
gati, vel alijs munijs impediuntur, vel sibi vivunt. Hostis
sanitatem promovere nulla lege vetatur, nisi vel Principis edi-
cto prohibeamur, vel domestici amici retrahant. Moverant
ea *Hippocratem*, ut magno Artaxerxi remiserit nuntium: *Perse-*
rum enim opibus uti, neq; ipsi æquum erat, neq; barbaros morbis libe-
rare, quum sint Græcorum hostes. Nisi ipsum se in hac Epistola
vicerit humanissimus *Cous*, merito jure inter suspecta reponi-
mus. Valetudinem omnium procurat Medicus, sicut amicitia-
am, nullo gentis, ætatis, sexus, aut religionis discrimine, quod
princeps ingeniosi *Thomæ Browne*, Angli, in Religione Medici
fuit institutum. Jecirè non culpandus Eruditus civis noster, **C**
nec Hebræi, *Castrenses*, *Zacutus*, *Benjamin*, *Chebibi*, alijsq; quod
ille apud Mahometanos feliciter, hi inter Christianos artem
servandi mortales profiteantur. De pestilentia dubitatur justis
de causis. Etenim quemadmodum quivis Christianus grassanti
D 2 com-

contagio se subducit, cui per vocationem publicam sive in Re-
A publ. sive in Ecclesia vacat, ut uno ore sentiunt Theologi *Cal-*
vinus, Beza, Tarnovius, Zanchius, Perkinsus, Rivetus, alijq; non pau-
 ci: ita & Medicorum filios hac secessione sibi consulere fas esto,
 qui publico curandis ægris salario non sunt mancipati. Imò
 qvanqvam complures certis stipendijs Respublica conduxerit,
 laudandum tamen foret uni vel alteri id dare negotij, reliquos-
 que à se ad loca tutiora dimittere, ut de Ecclesiæ ministris
Gerardus tom. 6. Loc. Com. & *Zanchius* omninò considerate ju-
 dicarunt: Nam Imperatores in prima acie summis periculis
 non tutò exponuntur, ne, paucos juvandi spe, tota Respublica
 damnum Principis excessu patiat. Nec Medici una nocte
 nascuntur, ut fungi. Prudens Magistratus, sicut Nosocomia,
 publicæ utilitatis grassante contagio adornat, ita Medicos omni-
 um saluti excubantes lauta merce invitat. De reliquis *Jus Ca-*
B *nonicum* decernit: *si acciderit pestem in loco studij grassari, tunc posse*
Scholasticos & Professores in quandam vicinam civitatem aut oppidum
secedere, eosq; tum comitatuos privilegia quæ erant data studio genera-
li in loco electo. Professorum autem nomine & Medici veniunt
 in Jure Civili, ut videre est §. 1. ff. de Extraord. Cogn. Quod cle-
 mentissimus quoq; Magistratus noster benignè, dira aliquoties
 faviente lue, nobis indulsit. Hæc causa fuit inter alias, ut ci-
 tatus *Hippocrates* electusq; & præmio ingenti & oblato honore
 ad exercitum Artaxerxis non accesserit, quod morbus pestilens
dictus ejus exercitibus se applicaverat, quemadmodum conqueritur
ipsum Rex magnus Epistola ad Pæum. Cunctorum precibus
 satisfacturus Servator, non quod *ἄξιός* esset Centurio Paga-
 nus, ut vane delegati jactant Seniores, nec ob eorundem in-
C tercessionem, sed ob fidem Centurionis & innatam sibi juvan-
 di promptitudinem, dictum factum itineri se accingit, memor
 illius: *κατὰς ὄψους.* Quod *Epistola* ad Crævam *Cons* urget:
Quum ab omni arte aliena sit procrastinatio, tum verò maxime in Me-
dicina, in qua dilatio vitæ periculum adfert. De acutis alibi 4.
Aph. 10. Παρὰ τὴν ἐπιπέδον ἀποθνήσκον, ἡρονίζεν ἢ κακόν: *Medicari*
eadem die, tardare n. in talibus malum. In Chronica Paralyti
 peri-

27

periculosa æque palliatiui auxilij mora, quia ἐμελλε τελευτᾶν.
Sed quum ad ædes recto passu tenderet *Jesus*, indignum se Pa- **A**
ganum, peccatoremq; plenis buccis clamat Centurio, sub cujus
tecto divertat. τέρη tentorij erat seu Prætorij, ubi habitabat
Centurio, de qua ad Paralyticum tertium plura occurrunt di-
cenda, ubi & tecta militaria notabimus. Jam fidem Pagani
hominis admiraturus seu laudaturus Servator mundi, de gen-
tium vocatione & ad captum nostrum cœlesti felicitate disserit,
sumpta ab accumbendi more Romanis Græcisq; usitato, simi-
litudine. Nihil spiritui DEI frequentius, quam cœleste
gaudium per conviviorum solemnitatem exprimere. Ita
Luc XIII, 16. similitudine cœnæ opiparæ instructæ, & *Matth.* XXII, 2.
nuptiarum Reguli, æternus beatorum status adumbratur. Quo
tendit ἀνακλιθεσθαι *Luc.* XII, 37. & ἐδίεον ἃ πίνεον ἐπὶ τῆς τρα-
πέζης *Luc.* XXII, 30. Et *Apocal.* VII, 17, XXII, 4. ad divinam in cœlis **B**
beatitudinem trahuntur, quæ de convivio prodiderat vates *Esa.*
XXV, 6, 7, 8. Οἰκονικὴ igitur est hæc Christi expositio à convivijs
mutuata, in quibus antiquissimo plurimarum gentium ritu non
assidebant more nostro nec humi implexis pedibus jacebant, Tur-
carum instar, sed discumbebant convivæ, ita ut alter caput alterius
sinu, extensis vel contractis pedibus, exciperet. De antiquo Ro-
manorum more pleni sunt Antiquariorum libri *J. Lipsij* L. 3. Ant.
Lect. *Petr. Ciacconij* de Triclinio. *F. Ursini* in Apendice, *Struckij* L. 12.
An. Conv. c. 34. *Phlandri* ad Vitruv. *Casauboni* ad Baron. *Mercurialis*
in Arte Gymn. *Fabri* in Agonist. & aliorum numero plurium. A
balneorum Luxu introductum, quum olim auctore *Servio* l. 7. *Æn.*
& *Isidoro* l. 20. c. 2. considerent, mox in consuetudinem abiit. Mo-
dum exhibet triclinium operis antiquissimi, quod Atestæ in pala- **C**
tio *Georgij Contareni* Senatoris Veneti diligenter lustravimus ex æ-
dibus Rhamusianis Patavio olim advectum, & à *Mercuriale Ciacconio*
tum delineatum. Simile Romæ vidimus, cujus iconem magni
Equitis *Puteani* beneficio hic damus, in Observationibus *Novis*
de Unicornu fideliter à nobis explicatam.



Apud Græcos idem factitatum ex *Plauto*, *Terentio*, *Virgilio*, *Plutarcho* alijsq; liquet, indicatq; vetus marmor cum *Inscriptione* Atestensis Triclinij, quod libavimus *L. 1. de Luce Animant. c. 14.*

ΕΛΘΕ ΚΤΗΡΙ ΧΡΕΤΙΑΙΣΙΝ ΕΝ ΚΤΑΙΚΕΣΣΙΝ ΑΒΡΟΙΣ
ΣΤΜΜΕ ΜΙΓΜΕΝΟΝ ΘΑΛΙΑΙΣΙ ΝΕΚΤΑΡ ΟΙΝΟ-
ΧΟΤΣΑ ΤΟΙΣ ΕΤΑΙΡΟΙΣ ΕΜΟΙΣ ΤΕ ΚΑΙ ΣΟΙΣ.

Pressius istum morem imitati sunt Judæi. Testis locus *Philonis* in *De Vita Contemplativa*, & disertè *Rasis* Talmudicus in *Suca* notat, veterum convivia fieri solita בחסיבה, h. e. cum decubitu. Ex voce *Mishoths* seu *lecho* idem *Stuckius*, & ex *Canticis Salomonis Fr. Junius*, *Poluribusq;* *Ciacconius* per convivij partes, confirmarunt. Hoc situ *Ἰησοῦς τὸ σῆμα* Christi recumbebat dilectissimus *Joh xii, 25. xxi, 20.* infelicissimè à pictoribus expresso. Et *Lazarus Luc. xvi, 22.* in sinum *Abrahæ* translatus dicitur, ducta à convivij Judæorum consuetudine. Diversa autem esse apud *Tertullianum* sinum *Abrahæ* & *Paradisum*,

raditum, Pagnino Gaudenio in Salebr. Tertull. c. 48. relinquo defendendum. Ad rem planè Livius & Plinius, ex quibus hæc lucem fuerantur: Ille meretricem famosam Placentiæ in convivio L. Quintij Flaminij Consulis infra illum accubuisse refert & in sinu recubuisse; Hic l. 4. Epist. 12. de Nerva: Coenabat cum paucis, Vejentio proximus, atq; etiam in sinu recumbebat.

Ne longius digrediar, ad ipsam Curationem revolvo gressus, duobus medijs confectam. 1. λόγῳ Christi. 2. Ægri fiducia. Illud his verbis concepit: πόνον εἶπε λόγῳ, de cuius efficacia in Paralytica primo quum egerimus paucis, hic actum non agemus. Hoc exprimit commate XIII: ὡς Ἰησοῦς γενήθητω σοι. Fiduciam ægri de Medico curante conceptam posse plurimum auctor est Galenus in Prognost. Eleganter Abensina: feliciter ab eo curari multos, cui multi fidunt. Accedente ad Nic. Kasium Illustrem Reg. Maj. Cancellarium Joh. Paludano nostrate, statim ab ægritudine respirans lætus exclamavit: egregiè fidem meam, Paludane, iuvisti, quod D. Thomæ Finckio, Avo venerando, refero acceptum. Subinde eloquio præstans Medicus plus efficiet, quam impeditior alius secretiorq; medicamentis. Hinc nisi advocetur Medicus, quia vocantis fiducia spesq; perit, non esse accedendum optimè monet Castrensis L. 3. Med. Pol. c. 14. Duplicem iuramenti assignat rationem Tb. Fienus Conclus. 38. unam à Lætitia alteram à promptitudine remedium desumptam. Nolim tamen cum Augerio Ferrerio l. 2. Meth. Med. c. 11. ad ipsam Medici fiduciam dicta extendere, si quidem ea eius fuit opinio. Acriter de Imaginatione inter alios disceptatur, An morbos curare valeat? Non dubitarim conferre plurimum movendo & excitando spiritus sopitos & calorem, quando quidem exemplorum illas nobis id persuaserit. Rustici non rarò schedulis devoratis contentantur. Haleces avidè assumpti febres restingunt, vel alia vehementer expetita, quin ipsum vinum. Ex cultu ossium Sanctorum confidentiæ suæ virtute cum ægro sanitatem redire in gratiam, suspicatur Pomponatius, ad insulas infortunatas hoc alijsq; nominibus relegatus. Quid de Melancholicis dicturi sumus, solius imaginationis beneficio procuratis, expiatis? Philodotus Medicus apud Astium retr. 2. l. 2. c. 9. quendam qui sibi caput amputatum putabat, impo-

imposito repente capiti ipsius plumbeo pileo curavit. Idem aliam
A mulierem à serpente removit, teste *Tralliano* L. i. c. ult. Algidus alius
 accenso in pelle lanigera igne celeriter cõvaluit ope *Zacui* l. i. Hist.
 Med. Obs. 38. Alius nasus sui amplitudine transeuntes impediri ra-
 tus, ficta tonsura ad mentem saniolem redijt. Poetarum delictum
Casp. Barlaeus, sed melancholico sanguine turgens, aliquando clunes
 sibi vitreos credidit: qvale quoq; exemplum recitat *Lemnius* L. 2.
 c. 6. de Compl. Quid quærimus ultra? Phantasia pleriq; morbi curan-
 tur, qui ope medicamentorum importunè ab indoctis exhibitõrũ
 creduntur arti cessisse. Tantumq; imaginationis crevit inter mor-
 tales vis, ut ex ea sola Illustris Matrona *Magdalena d' Auvermont*, Hiero-
 nyimi Augusti de Montelione Equitis Gallici uxor, *Emanuelem*
 conceperit. Id quod Jurisconsultorum Parlamenti Gratianopolitani
 decretis, Medicorum nonnullorum Monspeffulanorum &
 obstetricum mulierumq; aliarum consensu frustra renitentibus
B *Adriano & Carolo* de Monteleonè hæredibus alioquin Hieronymi,
 obtinuit. De cujus historiæ veritate nolim inquirere, quam suspen-
 ditam habuit *De Lord* Monspelienfium Professor, & amicè me mo-
 nuit *Petrus Sanchius* Professor ibidem Regius, ne isti relationi fidem
 mutuarer. Edictum est *Scævola & Ulpiani* ff. i. tit. 6. §. 6. si constet ma-
 ritum aliquam diu cum uxore non concubuisse, infirmitate interveniente, vel
 alia causa, hunc, qui in domo natus est, licet vicinis scientibus, filium non esse.
 Malè sanè nostris Virginibus cælum frigidius consulisset, quod hanc illis
 gravissimarum passionum curandi viam denegasset. Cæterum castis gratulamur,
 & ad serium institutum nostrum regredimur. Dispar omninò fiduciæ Centu-
 rionis est conditio, quia stupenda medela. Tantum non potest quæcunq; fidu-
 cia seu Medici seu medicinæ, in desperatis diuturnisq; passionibus, & jam mori-
 turis, ut extinctum calorem revocet, vias impeditissimas vi superioris morbi
C natura succumbente, referet, humores vitiosos obfirmatos retrahat, aut prostra-
 tam partium συγκεσίαν emendet. Nec filij Centurionis sive fiducia in
 Christum, quanquam de ea dubitare non liceat, sive fides illustrior deprædica-
 tur; sed totum negotium ipsius Centurionis pro filio intercedentis concepta
 ex verbo Christi firmissima spes, quam ratam voluit servator, animiq; fidelis
 constantia, confecit. Non quod crediderit, sed quod rarissima fidei miraculum
 suum λόγῳ addiderit λόγος apud Deum æternus. Premamus Centurionis ve-
 stigia, qui corpore languidi animo ægrotamus. Pari facilitate & promptitu-
 dine summus nobis in æternis Archiater adspirabit. In perituris quoq;
 si illi visum, *Nostri sui tantum cupido est.*

TERTIUM
N. T.
PARALY-
TICUM

In solenni Disputatione
Publicè proponet
THOMAS BARTHOLINUS
D. & P. P.

RESPONDENTE
WILHELMO WORMIO
OLAI F.
d. xxvi. Jan. clō 13c liii.
Loco horisq; consuetis.



HAFNIÆ,
Ex Officina Melch. Martzan, Acad. Typogr.

TERTIUM

PARALY-

TICUM

Insolenni Disputatione

Publice proponere

THOMAS BARTHOLINIUS

D. & P. R.

RESPONDENTE

WILHELMO WORMIO

OLAI R.

et XXXI. Jan. etc. etc. etc.

Loco honoris contractis.



Ex Officina M. J. ... Typogr.

HISTORIA PARALYTICI

TERTII.

Tertius N. T. Paralyticus *Matth. 9. Marc. 8. Luc. 5.* descriptus, ab illo planè est diversus, cujus *Job 5.* historia extat, secus ac *Chrystomo* aliisq; visum. Ille enim in domo, hic piscina Christo oblatas, ille in urbe Capernaum, hic Hierosolymis. illum quatuor homines per tectum demittebant, hic ne hominis quidem unius ope aquis medicatis immergi potuit. Proprium igitur Commentarium, eo quo priores jure sibi & Tertius vendicabit, cujus hæc est historia in paucas periodos contracta.

Membrorum resolutione & imbecillitate fractus Paralyticus, à quatuor lecticariis portatus, certa sanitatis recuperandæ spe, Christo Capernaum reverso in ædibus, ubi auditoribus concionabatur, offerendus, turba concurrentium impedito per januam ingressu excluditur. Moræ verò longioris impatientes lecticarii, cõsiliu præcepit ex temporis necessitate in arena capiunt, conscensoq; domus tecto & diffractis tegulis ægrum submiserunt Christo curandum. Jesus humani generis Archiater fidei pleno & bonæ spei sanitatem tam animæ per delictorum commissorum expiationem, quam corporis resoluti solo verbo hospiti gratiosè procuravit, ut expectatum membris roboratis gressum receperit, indeq; digrediens grabbatum suum ipse gestaverit, omnibus stupentibus, nonnullis sinistrè, more suo, judicantibus.

Paralyticum resolutis seu sideratis nervis fuisse constans est Sacrorum Historicorum sententia, unde *enervatum* rectè transtulit *Camerarius*, probatq; ingressus difficultas, de qua affectione ad superiores Paralyticos plura diximus, neutiquam in præsentia actum acturi.

Condicionem & fortunæ statû lecticarii produnt. Erat quippe *τὸ πρῶτον* portatus. Divitem crederes, cujus cubile quatuor

E

tuor

A tuor servi lecticarii circumferebant. Necessitate tamen, haud luxu compulsus, quarta cervice ferebatur. Alioquin hexaphoros erat sanorum Virorum & locupletum, nec pauperibus conveniens, sicut Afro exprobrat *Martialis* l. 6. Epigr. 77:

Quid te Cappadocum sex onus esse juvat?

Octophoros lectica Regum propria, feminarum & ægrotorum. Hinc idem l. 6. Ep. 84.

Octophoro sanus portatur, Avite, Philippus,

Hunc tu si sanum credis, Avite furis.

Ut vero propius sit hominem nostrum bonæ mentis sorore paupertate pressum quatuor lecticariis acquivisse, quia & ipse grabatum suum seu lectulum minutum angustumque postea portare sustinuit. *Aderus* è longinquo illuc suspicatur advectum, nullo, ut arbitror, indicio, quum morborum ferax

B Capernaum fuerit, aërisque locique vitio. Forsan pro mortuo vel morti vicino reputatus. Mortuorum autem Sandapilæ à quatuor tantum servis Romæ portabantur, quemadmodum iconone expressit *Fr. Peruccius* l. 2. de Pomp. Fun. p. 28. Hinc ægrè ferebat *Martialis* l. 6. Ep. 77. quod Afæ & pauper & juvenis & fortis hexaphoro vivus delectaretur quia non debebat ferri mortuus. *Clarius* l. 8. Epigr. 75.

Quatuor inscripti portabant vile cadaver.

Cur inscripti? De servis stigmaticis, literisque servilibus iniustis accipiunt Critici, de quibus *Pignorius* l. de Serv. *Popma* de Op. Serv. Parum diversa est conjectura nostra. Inscribebantur nomina lecticariorum, quorum deinde legibus Constantini & Anastasii funeralibus definitus erat numerus, quos omnibus modis integro numero & omni præstatione liberos Constantinopoli conservandos decrevit *Novella* Justiniani

C *Constitutio* 43. Numerantur in illa Novella 1100. lecticarii seu Decani (rectius fortasse Diaconi) ad peragendas defunctorum exsequias deputati, non tam ad exportandum quam procurandum funus. Octingentæ quidem officinæ corpora præstabant, trecentæ autem in exactione pecuniarum

con-

consistebant. Vel sanè quod ex his 800. pro funerum numero in ampla civitate Byzantina deligerentur sufficientes lecticarij, sicut pestilentia tempore hodie usitatum. Crevit tamen lecticariorum numerus luxu apud omnes crescente, quem iccirco legibus Funeralibus ad necessarium nuper publico edicto adstrinxit *Fridericus III.* sacratissimus Rex noster. *Q. Metellus Junior* inter rara felicitatis humanae exempla numeratur *Plinio* l. 7. c. 44. quod præter honores amplissimos, à quatuor filiis sit rogo illatus.

Ingressuris autem obstat multitudo januam ædium obstitans conferto agmine. Scilicet ad divinum Archiatrum accessus patet cunctis, sed sæpe viam malè feriat homines reddunt impeditam. Τα πύλας ἢ τὸ πρόπυλον vel vestibulum ædium interius notat, vel plateam ostio vicinam. *Grotio* est τὸ πρόπυλον, seu vestibulum ante januam. In versione Syriaca idem servat *Boderianus*, sed à *Lud. Dieu* hoc nomine reprehensus, quem varia Vestibuli notio deceptit. Plures vestibulum inter plateam & ædium januas relictum eligunt. Ita *Damus Interpres*, siquidem ex veteri januarum fabrica, ad ostium, foras aperiendum, plateæ spectabat pars. Utrumque tamen placet, nam utrumque vestibulum multitudo impleverat, unde *Deodato* Italo *i contorni della porta*. Januæ autem apud Veteres in publicum rejiciebantur. Hinc ne aperiendæ læderent prætereuntes, pulsabantur prius ab egredientibus, appensis nonnunquam tintinnabulis. Vulgatum id Græcis, quod ex Comicis liquet, ubi ante crepuisse fores dicuntur, quam quis domo egreditur. Videndi *Photius* in *Bibl. Mureti* l. 1. Var. Lect. c. 17. *Pancirolla* in *Deperd.* tit. 23. aliiq. Apud Romanos *L. Valerio Publicolæ* & fratri primis adjectum fuit, ut domus eorum fores extra aperirentur, & janua in publicum rejiceretur, quod inter triumphales domus clarissimum erat insigne, teste *Plinio* lib. 36. c. 15. Nec postea exolevit, nam de janua in publico aperienda responsum extat *Scævola* l. 8. ff. tit. 2. l. 41. §. 1. Ut plurimum duplicatæ, quas *διπλαῖα πρόπυλα* vocabant, quibus in reponendis humeri luxa-

A tionibus utebatur *Hippocrates*. Figuram qui cupit & fufam de hoc argumento dissertationem, *Cl. Salmasium* Polyhistora summum ad Solinum consulat operæ facturum precium. Clausæ plerumq; unde ostium *Isidoro* ab obstando. Hic omnibus Christo perorante, patulæ. Aliàs metu irruptionis oclusæ *Gen. 19, 9. Job. 20, 19. Act. 12, 13.* Illæ, animæ aternitatem significabant, hæ interitum animi corporisq; ex veteri Romanorum religione, si credimus *G. Fabricio* c. 21. Rom. descript: Unde in quibusdam sepulchris Romæ antiqvis exsculpta videntur ædificia, partim januis apertis, ut in Palatio Capitolino Trium virum; partim clausis, ut in domo civis Regionis Transiberinæ è regione Pontis Fabricij.

B Aternitatis ea spe, sanitatisq; animi juxta ac corporis excludus Paralyticus, communi lecticariorum consilio & opera per insolitam viam grassabatur. Enimverò, si quidem humiles erant ædes, judicio *Baronij* ad A. Ch. 31. Tib. 15. vel ex plano vicini tecto transitus concedebatur, ut commentatur *Lyranus*, tecto domus hospite Christo illustris ablato, ruptisq; tegulis per contignationem apertam ad pedes Christi cum grabbato demissus fertur, idq; funibus, ut *Cajetanus, Beza, Osiander, Pelargus* non malè conjiciunt, nisi ædium humilitas obstaret, & oblonga fulcra lecti, depicta in *Roma subterranea*. Plenum audaciæ consilium, furibus & latronibus familiare, à Christo alibi damnatum *Job. 10, 1.* & Antonio in Philippicis à *Tullio* versum vitio. Imò lex *Cornelia* injuriarum actionem introduxit, quod domus vi introita sit l. 4. *Instit. Jur. tit. 4. §. 8.* quia sua cuiq; domus tutissimum est refugium & receptaculum ex *Cajo Jcto*, de quibus *Schneiderwinus, Mynsingerus, Rittersbusius* aliiq; ad Instituta. De vi quoq; publica lege Julia tenetur, qui hominibus armatis possessorem domo agrove suo, aut navi sua dejecerit, *lib. 48. ff. tit. 6. l. 3. §. 6.* Codex Jur. Danici at bryde Huus/ vocat *Herwercke lib. 2. de leg. Cimbr. c. 30:* Ganger mand med raad raad i anden Mandes Gaard / eller Huus/ oc bryder Huus etc. da er det Herwercke / puniunturq; in foro nostro multa trium Marcarum. Nimia tamen pietate,
&

& necessaria salutis ratione peccans, excusari meretur, quem ipse Christus, quo presente hæc agebantur, à crimine absoluit. Animus quippe à damno alienus, nec occidendi proposito aut furandi, aut armati quovis modo nocendi irrupere, sed ut ægrum quæ corpus quæ animum servarent. Ita qui à latronibus circumventus tectum vicini dirutum intraverit, extra injuriæ erit actionem apud æquum Judicem. Adhæc vel propriæ fuerunt irruentium ædes, vel certè connivente domino fundi detectæ, & tacitè consentiente, nam sic tacitum & expressum in Jure æquiparantur, & consentire dicitur, qui non contradicit.

Præcipiti isto gradu festinandum erat Paralytico ad Archiatrum, sive quod incerta esset Jesu mora, sive quod ex forti & insolita resolutione membrorum, Apoplexiam metueret per *ἡν ἤσπεν*, citamq; mortem & infelicem. Minatur hoc malum Hippocrates in Coacis c. 23. §. 1. *Torporos & sensus privationes præter consuetudinem ortæ futuras Apoplexias denunciant.* *Παροῦ τὸ ἐβ* explicat Duretus, quod fit sæpe numero ictu & lapsu, tum etiam cruribus complicatis, cubitorum in-nixu, fame, vigiliis, scoliosi vertebrarum cervicis, renibus calculosis, & artubus illaqueatis. Mala præterea Paralysis & exitiosa post febrem acutam, ob malignæ materiæ *μετάπρωσιν* ad nervos eorumq; in cerebro principium, nisi id eritico Naturæ motu fiat, morboq; concocto, quod honestissimæ Matronæ non ita pridem Hafniæ contigit. Vide *Alpinum* C l. 3. de Præf. Vit. & Mort. c. 12. Unde ex durissimo necessitatis telo virtus emerfit.

Cæterum quomodo tectum scandere, illudq; infringere potuerint, non facile intelliget scrupulosus, nisi tectorum apud veteres structuram paucis detexero. Tecta vel plana fuerunt, vel in fastigium erecta. Illa antiquissima, quibus fastigium sequens imbrium incommodum addidit. De utriusq; origine & forma Vitruvius l. 2. Archit. c. 1. *Alii luteas glebas arificantes, struebant parietes, materia eos jugumentantes, vitandog; imbres & æstus, tegebant arundinibus & fronde: postea,*

A quoniam per hybernas tempestates tecta non poterant imbres sustinere, fastigia facientes, luto inducto proclinatis tectis stillicidia deducebant. Sed succrescente arte & artificum ingenio, non luto tantum tecta fastigiata muniverunt, sed scandulis aut stramentis, eodem teste, h. e. robore assulatim secto instarque tabellarum tectis instratae, quibus annis 470. Roma fuit constructa, autore C. Nepote apud *Plinium* l. 16. c. 10. successere deinde tegulae, materiaque; quibus mox scetillum lapidum bractea, laminaeque; aliis super alias sedentibus & inter se imbricatis, de quibus *Pavonacea* tegendi genera apud *Plinium* l. 36. c. 22. explicat *Philander*. Ferri potest religio in DEOS, quod Pantheon aereis tegulis opertum fuerit, referente *Paulo Diacono*, quodque; rotundam D. Mariae aedem Ravennates solido lapide


B ornaverint. In privatarum aedium splendorem abusus transtulit & plumbum, unde plumbum, quod tegulis poneretur, aedificii esse aiebat *Labeo*, teste *Javoleno* *Jcto ff. de Verb. sign.* l. 242. §. 2. sive quia tecta ex plumbo fuerint solido, sive quod tectis plumbum ad stillicidia adderetur. Dispar omnino in corrupti seculi facies. Romuli casa in arce sacrorum stramentis tecta, *Vitruvio* autore. Expressit id *Ovidius* l. 3. *Fast.*

Quae fuerit nostri, si quaeris, regia nati,

Aspice de canna straminibusque domum.

Mauros mapalia sua scirpis texisse refert *Plinius* l. 16. c. 37. idemque; l. 6. c. 24. *Chelenophagos* *restudinum* superficie casas ornasse. De Colchorum tectis *Vitruvius* l. 2. c. 1. fronde & luto metas regentes efficiunt barbarico more restudinata turrium tecta. Idem de Phrygibus campestris inhabitantibus: stipites inter se religantes, metas efficiunt, quas arundinibus & stramentis tegentes, exaggerant supra habitationes maximos grumosè terra. Alij ex ulva palustri seu alga palustri composuere tuguria, nostri rustici ex paleis, alij ex arundinibus. Rudere non tegulis loca munita Hispaniae & Africae tegebantur, notante *Hirtio Bell. Hisp.* c. 8. Apud Germanos veteres nec amentorum quidem aut tegularum usus, *Tacit. de Morib. Germ.*

Tecta

Tecta tamen plana, frugalitatis olim & innocentia do- A
 cumenta, posterioribus temporibus magnifico opere exstru-
 cta opulentiorum esse coepere, in quibus commorabantur, am-
 bulabant, hortos colebant, quæq; ad sui tutelam in motibus
 civilibus utebantur, ut liquet *Judic. 9, 51.* qualia pleraq; Nea-
 poli aliisque Latij urbibus adhuc visuntur. Transit ea archi-
 tectura ratio in Palæstinam, sacraque in ea urbem. David
 enim in tecto palatii obambulans, amore illicito visæ Bathe-
 sebae accendebatur 2, *Sam. 11, 2.* In tectis & plateis omnes
 ejulare dicuntur *Esai. 15, 3.* Osoribus Sionis auguratur David
Psal. 129, 6. futuros sicut gramen in tectis, quod torretur an-
 tequam prodeat. Quem locum de tectis planis eruditè ex-
 ponunt *Glossæ* marginales Danicæ, quæquam & de fastigia-
 tis accipi posset. Illustris extat textus *Deuteron. 22, 8:* Cum B
edificaveris domum novam, facies  *tekti per circuitum,*
ne effundatur sanguis in domo tua. Murum vertit Hieronymus.
 LXX. *στειφάλλω.* *Philo θερεφάλλω.* Peribolum *Osiander.* Danus et
Necte. Parietem *Pagninus* & ædificium, cujus altitudinem ex
 R. *Davide* ad quatuor digitos extendit, *Grotius* ad pedes tres
 cum dimidio. *Cassalio* loriculam amat. *στειφάλλω* dicta à co-
 ronæ similitudine. Coronæ in ædibus appellabantur promi-
 nentiæ quædam parietum ad arcenda stillicidia apud *Vitru-
 vium* l. 2. c. 8. *Palladium* l. 1. R. R. tit. 11. Loricula seu Lorica
 dicta à materia. Est illa crusta ex calce & arena *Vitruvio* l. 7.
 c. 1. unde granariorum parietes & solum opere tectorio mar-
 morato loricandos vult *Varro* l. 1. R. R. c. 57. Apud *Plinium*, C
 l. 8. c. 24. Ichneumon se loricare dicitur limo mersus soleq;
 siccatus. Loricam quoque de coronis murorum in urbibus &
 munimento urbem cingente adhibet *Vegetius* l. 4. c. 28. In te-
 cto Samuel Sauli loquebatur, 1 *Sam. 9, 25.* In tectis suffitus
 excitabant *Jerem. 19, 13.* Discipuli Christi jubentur *Matth.*
 10, 27. *Luc. 12, 3.* prædicare *Ἰησοῦς τῶν δαιμονίων*, h. e. publicè au-
 dientibus cunctis, ut vero sit simile ex tectorum planicie, tan-
 quam ex rostris, transeuntes alloqui consuetum fuisse. *Luc.*
 17, 31; In illa die, qui fuerit *ἡμεῖς ἢ δαίμων*, & vasa ejus in
 domo,

A domo, ne descendat tollere illa. Certè & apud Romanos tecta petebant in tumultibus, quod *Tacito* l. 1. hist. credimus. *Act. 10, 9: Ascendit Petrus ἵνα τὸ δῶμα, ut oraret circa horam sextam.*

Aliàs tectum pro Tentorio militari usurpabant, quo tegebantur. *Vegetius* l. 3. c. 2: *Pedites sine intermissione imbribus vel nivibus sub tecto, reliquis diebus exerceri in campo voluerunt.* Vide plura lib. 2. c. 23. *Suidas: τεγανὸν πυκνὸν, σφιγκτὸν, καὶ διόδωρον. οἱ δὲ ῥωμαῖοι τεγανὰ ποιήσαντες, παρεχόμενον.* h. e. *Tectum, Densum, constrictum, Diodorus, Romani verò cum tecta fecissent, hybernarunt.* Quo forsan Centurio ille pius *Matth. 8, 8.* respexit.

B Tectum igitur hujus domus à Paralytici lecticarijs ruptum, planum fuisse certum est, in fastigiato enim difficilior adscensus. Et siquidem vicini tectum pari planitie explicabatur, hoc conscenso, facilis ad aliud erat transitus. Dubium movent apud *Lucam* οἱ κέρατοι. Quid enim ad æquale pavimentum tegulæ? Nisi & hæ illud per intervalla distinxerint. *Syrus* operimentum loci reddidit, ut *Trostius* monet. *Beza* ex *Plinio*, perfossum dicit testaceum pavimentum, quod displicet *Heinsio* in *Exerc. Sacr.* Testaceum enim pavimentum in Oriente neutiqvam usitatum; esse potius *subdiale* pavimentum, de quo *Plinius*, quia in his tectis sub dio agebant: *Σπύλω* autem & *κεράτοις* pari passu hic ambulare, tectumque notare ex *Thucydide*, *Syro*, aliisq; sicut apud *Plautum* in *Mil. Sectari* simiam in Tegulis.

C Quod fidei ardore à Paralytico commissum, nobis neutiqvam in exemplum trahendum. Qua occasione commode quæstionem hodiernis moribus opportunam expendamus, *An illegitima media quærenda & usurpanda spe recuperandæ sanitatis?* Illegitima remedia ex duplici æstimamus fonte, vel quod Diabolica sint, vel sine rationali Methodo administrata. In utroq; peccat credula mortalium insania, sed constanter utrumq; justis de causis damnamus. Diabolica remedia dum sunt generum, vel expresso Diaboli instinctu edocta, vel implicito.

plicito. Prioris ordinis auxilia Christiani veri verè detestantur, territi exemplo Ahasiæ Regis 2. Reg. 1. Posteriorem curandi rationem plurimi sine pietatis scilicet offensa eligunt, vel characteribus, vel ignotis verbis, vel numeris mensurisve, vel aliis ceremoniis à ratione alienis superstitiosè morbos expugnaturi. Sed fugite hinc mortales, si sapitis, si me auditis, latet anguis in herba. Larvam detraxerunt *Sennertus* c. 13. de Consens. *Olaus Wormius* decus orbis & urbis c. 10. Not. ad Fast. Dan. & varia crudite hic annotarunt nuper *Hier. Jordanus* De illo quod in Morbis est divinum, *O. Borrichius* noster de Cab. char. qui legi merentur, ne alios numero quam plurimos advocem. Sequamur *D. Chrysostomum*, potius mortem homini Christiano subeundam, quam vitam ligaturis redimendam.

Remedia Empiricorum sine verà Methodo exhibita, parri infamia sunt notanda. Veneni suspicione non carent, & innoxie animas vitasq; licitantur, qui Recipiunt nescio quid, ut sanentur ægri, nescio quando. Judicant cordati rectius, præstare cum methodo mori, quam sine illa vivere. Mala dicenda ista medicamenta, quæ qui in publicum vendiderit poena legis Corneliæ adficitur L; 48. ff. de Publ. Jud. tit. 8. l. 3. § 1. h. e. in insulam deportetur & omnibus bonis privetur, *ib.* §. 5. Unde sapientissimis Venetorum decretis Circumforanei urbe Patavina cum infamia ejiciuntur, & in urbe Parisiensi, nisi Saluberrimæ Facultatis Doctoribus, concessum nemini publicè medicinam facere. Quamquam & Magni olim Regis nostri, gloriosæ nunc memoriæ *Christiani IV.* legibus vetitum sit, ne quis agris medeatur poculumve medicatum exhibeat, præter promotos approbatosq; Medicos, sive seplasiarii sint, sive barbitonfores, sive Chymici, oculoarii, herniarum sectores, sive circumforanei variive Empirici: neglecto tamen prudentissimo Edicto non illi tantum ægrorum curam suscipiunt, sed Rustici, Pædotribæ, Sacerdotes, aniculæ & carnifex spe precioq; sollicitantur, hoc uno à latronibus differentes, quod cives intra mœnia & non in montibus deprædentur, ut alibi *Galenus* loquitur.

A qvitur. Dices: Sanitatis causa tentanda omnia. De legitimis nunquam repugnabo, reliquos aversor qui flectere si nequeant superos Acheronta movent. At juvant persape. Opto successibus careat, quisquis ab eventu facta probat. Divino *S. Pauli* monitu, non facienda mala ut eveniant bona. Nec quasi aleam jaciendo Medici curare debent, quod verè dixit *Galenus* in 1. *Epid.* com. 2. Horum igitur cunctorum beneficia cunctis sunt nocentiora vulneribus, præstatq; odium illorum quam pacem meruisse, ut *Leonis* homil. 19. utar verbis. Juvant per Accidens, plusq; fortunæ habent quam consilii, cui subinde fixa ægrotorum imaginatio jungitur, qua multi morbi superantur, qui Empiricorum arte curati creduntur.

B Sape palliativa cura credulis imponunt, brevi damno majori erupturâ, vel sanè ad meliorem vitam promovent, quam in plures annos differre debebant. Quod si Patronus Empiricorum, non malo animo, sed spe juvandi ista excuset, respondeat *Marcianus ff. de Publ. Jud. t. 8. l. 3. §. 2. ex senatusconsulto relegatam esse eam, quæ non quidem malo animo, sed malo exemplo medicamentum ad conceptionem dedit, ex quo ea quæ acceperat, decesserit.* Exterminandos quoq; persuadet *Lemnius* l. 1. de Occ. Nat. c. 17. modum verò invenisse se credit *Georg. Hebenstreit* *Quæst. Misc. 1. p. 14;* nempe primum carnifices ex urbibus ad corvos, deinde vetulas ad sua pensa,

C mox agyras ad esuriam, barbitonfores ad tonstrinas suas, ac deniq; Vulcaniam Ciniflonum profapiam ad carbones suos amandandam. Omnibus dictum sit *Horatij* illud l. 2. *Epist. 1.*

--- --- abrotonum (vel elleborum) ægro

Non audet, nisi qui didicit, dare: quod Medicorum est,
 Promittunt Medici, tractant fabrilia fabri.
 Insuetâ viâ adventantibus, Christus visa & portantium & Paralytici fide, plus pro sua bonitate ultrò donat, quam venerant petitum, primumq; delictorum immunitatem largitur tam hactenus admissorum naturæ vitio & voluntatis, quam illiciti humanis legibus facinoris, rupti tecti, ædium violatarum. Paralyseos *Curationem* à peccatorum auspiciatur con-
dona-

41

donatione, quia stipendium peccati mors morbusq; hicq; A
ex illo trahitur, nec in dignitatem suam ulla parte peccavit
Servator, quod animæ curam juxta ac corporis mortalium
perditorum habuerit. Sequuti illius exemplum, quanquam
non passibus æquis, quamplures, qui utrumq; amica copula
conjunxerunt. Ipse Lucas Sacræ historiæ conditor Medicus
fertur *Coloff. 4, 14.* quem Patronum eapropter Medici sibi ad-
optarunt. In antiqva Ecclesia Sacerdotes non pauci Medi-
corum catalogo adscripti. Teste *Baronio* Tom. 3. Ann. Jose-
phus Tyberiadis Episcopus Judæorum Patriarcham Helleel
curationis specie baptizavit. Paulus Secundus Pontifex æ-
grotantes ipse comiter invisebat, adhibitisq; medicamentis
curabat apud *Platinam* in Vit. Pontif. Joannes XXII. antequam B
Pontifex designaretur Petrus Hippocrates vocatus, edidit Me-
dicinam Thesauri pauperum. Ex Monachis sacro voto ad-
strictis plusculi Medicinæ studium & in usum convotorum
excoluerunt diligenter & eruditis scriptis divulgaverunt. In-
ter quos eminent *Commentatores Mesue, Constantinus Africanus,*
Raymundus Lullius, Jo. ab Indagine, Albertus Magnus, Basti-
lius Valentinus, Thomas Campanella, Pius della Marra, aliiq; qui
in memorias exierunt.

Querunt hic Eruditi, an Medici ad Clericatum & Sacer-
dotium possint promoveri, & an tum Medicinam liceat exercere?
Prius invenit ferè assensum, siquidem Medicus capax est no-
minationis ad beneficia. Doctissimum Medicum, Mantuæ C
Professorem *Petr. Ant. Cavallum* novi, qui S. Francisci ordini
votoq; se obstrinxit, mutato priori vivendi genere. *Daniel Bu-*
cretius Anatomicus insignis & *Spigeliani* operis editor, Mo-
nasterij Dominicanorum Parisiis se claustris inclusit. *C Bar-*
tholinus Parens, cœlitibus pridem adscriptus, Medicinæ Pro-
fessionem cum Theologia voto in morbis suscepto commu-
tavit, Deoq; soli vacavit dum vixit, quod *Riolano* summo
Anatomico rigidis ad *Baubinum* Animadversionibus displice-
re videtur.

A Altera quaestio difficilior sententiarum varietate. Affir-
 mat *Bardus* c. 8. *Med. Cathol. exper. cap. sent. ne Cler. nec Mon.*
 & cap. *ut apud* & cap. *tua nos*, de quibus *Tiraquellus* de *Nob.*
Med. c. 3. n. 406. Et siquidem de Episcopis constans est fa-
 ma, Medicinam fecisse, quidni & hæc simplicibus Sacerdo-
 tibus Monachisq; concedatur. In negantem tamen senten-
 tiam proni hæc urgemus. 1. Professionem priorem cum
 Sacra, devotos ea mente commutare, ut sacris majori cura &
 unica incumbant, Deoq; soli serviant. 2. Professionum di-
 stinctionem omninò in Republica benè constituta esse ser-
 vandam. Hinc *Aristoteles 4. Polit. c. 15.* Sacerdotum officium
 à Civili Magistratu distinctum voluit, & rectè *Ambrosius* ne-
 gat Viro Ecclesiastico duplicem professionem. 3. Irregulari-
 tates orientur non leves, ut etiam contrariæ opinionis asser-
 tores fateantur non inviti Monachis & Clericis posteriori-
 bus interdictum fuisse, quas tamen irregularitates debitis
 cautionibus & animadversionibus declinari ex *Bonacina* cre-
 dit *Bardus*, imò dispensationem à Pontifice petendam. Sed
 opponimus 4. Medicinæ exercitationem inter seculares cu-
 ras numerari, à quibus Deo soli consecrati abstant. *Timo-*
theum, aliosve in Ecclesia, ut ille, militantes negat *S. Paulus*
 oportere implicari τὸ εἶναι πηγυραστάς 2. *Tim. 2, 4.* In Ca-
 nonibus *S. Apostolorum* per *Clementem* congestis n. 6; *Epi-*
scopus, aut Presbyter, aut Diaconus seculares curas non suscipitor
alioquin deponitor. Constitutionis ratio redditur *Canone*
 80, quod nemo possit duobus dominis servire juxta præce-
 ptum dominicum. Ita & decretum fuit in *Concilio Calche-*
donensi Oecumenico *Canone 3: Definuit sancta & magna Sy-*
nodus, neminem deinceps, nec Episcopum, nec clericum, nec Mo-
nachum, vel possessiones conducere, vel secularibus negociarum
administrationibus seipsum miscere. Unde nec tutores esse
 possunt ex *Novell. Constit. Justinian. 127. & Leonis Nov. Const.*
 68: nisi ad inexcusabilem impuberum tutelam vocentur,
 quod de Presbyteris tantum, Diaconis & hypodiaconis con-
 cedit in *Novella Justinianus.* Tres alios casus proponit Ca-

non

43
von Concilij laudati, si nempe Civitatis Episcopus rerum Ec-
clesiasticarum sollicitudinem habere permittat, vel Orphanorum,
Et viduarum quæ indefensa sunt. Et personarum, quæ Ecclesiastico
maximè indigent auxilio, propter timorem Dei. Medicinæ exer-
cendæ nullum indultum signatur, & quanquam tanta illius
foret necessitas, à Civitatis Episcopo foret venia impetranda,
non alio sive in Belgio, sive Italia commorante. Nec dissen-
tit decretum *Isidori* Part. 1. *Jur. Canon.* Dist. 23. c. 3. ubi de Cle-
ricorum conversatione agit: *Secularia*, inquit, *officia nego-*
ciarum, abjiciant, honoris gradus per ambitiones non subeant, pro be-
neficiis medicina Dei (h. e. pro Sacramentis Ecclesiasticis, an-
notante *Glossa*) *munera non accipiant: sed doctrina lectionibus,*
psalmis, hymnis, canticis, exercitio jugiter incumbant. *Alexan-*
der Tertius in Concilio Turonens. lib. 3. *Decret. Greg. IX.* tit.
50. c. 3. statuit, ut nulli omnino post votum religionis, & post B
factam in aliquo loco religioso professionem ad Physicam le-
gesve mundanas legendas permittatur exire. Si verò exierint,
& ad claustrum suum intra duorum mensium spacium non
redierint, sicut excommunicati ab omnibus evitentur. *Cap. 9.*
prohibetur quoque ex *Innocentio III.* Subdiaconis, Diaconis &
Sacerdotibus ea Chirurgiæ pars quæ adustionem & incisio-
nem inducit. *Glossa* servilem tantum intelligit adustionem,
sed latius nos ad quamvis actionem manualementem extendimus.
Denique Exorcista in *Rituale Rom.* jussu *Pauli V.* edito jubetur
sibi cavere, ne ullam medicinam infirmo vel obsesso præbeat, aut
suadeat, sed hanc curam Medicis relinquat. Ipsi & hi & illi & isti
videant, quo obsequio, quaque devotione tantorum Patrum
decreta excipiant. C

Notamus tamen, ne pro iniquioribus rerum arbitris
traducamur, aliud esse ægrorum salutem medicamentis pro-
curare, aliud de rebus Physiologicis Commentarios scribere,
quod pro ingenii modulo quivis tentet, per me licet. Quo
spectat Sacerdotum Ebraeorum in dignoscendis leprosis scien-
tia, *Exod. 13. Luc. 17.* Deinde Medicam exercitationem conce-
di posse Monachis in suis Collegiis, sicut *Bucetio* hoc fuit in-

A junctum, inprimis si in solitudine sint monasteria. Casus deniq; necessitatis erit attendendus in Medicorum aliorum inopia, tumq; non lucri spes, non decipiendi animus est induendus. Ita Medici *Hippocratis* præcepto in *Jurej*: à sectionibus abstinent, & operationibus Chirurgicis, nisi urgente necessitate, sicut multi Imperatores sæpe & arcu uti, & jaculari & pugnare gladio hastaq; sciunt & faciunt, & Reges pariter, sed non ut Rex, ut Imperator erat Alexander Macedo, aut ejus Pater Philippus, sed per alias artes, imperatorix atq; regix subservientes, hæc militaria munera obibant, ut ait *Galenus* l. 6. *Epid. Com.* 5. §. 1.

B Diversa ratio Medicos ad sacrum studium obstringit, animatq;. Omnes enim verbum Dei scrutari oportet *Deut.* 6, 6. 7. 8. 9. 31, 11. 12. *Job.* 5. 39. *Coloss.* 3, 1. 6. quia salvari omnes vult Deus *Matth.* 11, 28. 1. *Tim.* 2, 4. *2. Petr.* 3, 9. cunctisq; fidei rationem reddere incumbit. Ægrorum etiam causa Medicus in Theologia abdita penetrat, ut, si res ita postulet, tam animabus quam corporibus medeatur, absenteq; Theologo, non tantum affectus animi ægris leniat, sed & fide infirmos certo solamine erigat, inprimis melancholicos, Maniacos, aliosq; hujus commatis. Hinc neuiquam præter institutum Tyrones nostri medicinæ, examini Theologorum se subjiciunt, illisque suum in sacris profectum publicè probant.

Ut fortunatus igitur sit susceptæ curationis eventus, Medicus exemplo Archiatri Jesu, æternæ ægrorum salutis curam gerat accuratam. 1. Precibus ardentibus pro felici successu Deus invocandus. Medicæ preces pro commodo ægrotantium à *Jacobo Horstio* collectæ, Helmstadij impressæ leguntur. Litanias *Bardus* addidit. Cæterum junctis suspiriis Deo supplicent, *Medicus, æger* ipse, de cujus corio luditur, *Sacerdotes & Ecclesia*. Quantum ponderis habeant Medici vota, indicat sapiens *Syrach.* 38, 13. Ipse æger oret, desistatq; à peccato *Syr.* 38, 9. Presbyteri Ecclesiæ advocentur si quis ægrotet, ut orent super eum *Jacob.* 5, 14. Quod publicè quoque ex suggestu in Ecclesiis nostris fieri solet. Hinc disci-

discipuli Christi pro muliere Chananæa intercedebant **A**
Matth. 15, 23.

2. Peccatorum expiationem, ut optata eveniant, consilio Medicorum, præmittant ægri. Sublata enim causa, tollitur effectus, At morbus, delictorum est meritum. ita Jehovah minatur *Levit. 26, 16*: Vos visitabo terroribus, marcoribus & febribus, ut vultus vester consumatur, & corpus contabescat. *Deut. 28, 21. 22.* Dominus pestilentia te perdet, Percutiet phthisi, & febre, & calore & fervoribus, & siccitatibus, & Hectica, & Jetero, teq; persequentur donec extirperis. Confer loca, si placet, *2. Sam. 24, 13. 2. Reg. 5, 27. 2. Paral. 21, 18. 19.* aliaque. Ipse Jesus Paralytico apud piscinam curato *Joh 5, 14.* autor est, ne amplius peccet, ne deterius ipsi quid contingat. Nam qui peccat illi qui creavit illum, incidet in manus Medici *Syrach. 38, 14.* Contra promittit Jehovah *Exod. 15, 26. Deut. 7, 15.* Si Domini Dei nostri vocem audiverimus cum debito obsequio, rectumq; fecerimus, & ad præcepta ejus vitam composuerimus nostram, nullum morborum genus nobis nociturum, quibus Ægyptios divexavit, quia Dominus Deus noster sit, qui nos sanat. Hinc totus est Pontifex cap. 13. tit. 38. l. 5. De Pœn. & Remiss. *Decretal. Greg. IX.* ut Medicis pro autoritate injungat, ne ægros ante suscipiant curandos quam de vera pœnitentia & confessione admoneantur seriò, secus facientibus Ecclesiâ interdicat.

3. In expiati facinoris certitudinem initio morbi sacra **C**
 Synaxi dignè utatur æger, in qua ipse divinus Archiater ad partes curandi advocatur, quem qui negligit, quomodo vel Naturam habebit propitiam, vel Medicos Dei Naturæq; ministros fortunatos. Hinc Afa Deo posthabito folis Medicis fidens, mortuus est *2. Chron. 16, 12.* In quam rem S. Pauli oraculum citamus *1. Cor. 11, 30*: *Propterea inter vos multi infirmi & imbecilles, & dormiunt multi.* Christianis moribus in Italia receptum est, ne Medicus ante ægrorum saluti prospiciat, quam sacre coenæ communio præcesserit. Romæ post tertium morbi diem id injungi firmat *Corn. à Lapide.* Unde in
Conci-

- A** Concilio Wormaciensi Presbyter Eucharistiam *semper* habere paratam jubetur, ut quando quis infirmatus fuerit, *statim* eum communicet, ne sine communione moriatur, *Part. 3. Decret. Jur. Can. Dist. 2. c. 93.* Rationem majoris auxilii reddit *Aug. Etzlerus* Intr. Jatromath. Lit. C. 3, quia verbo æterno (nempe Jesu in nobis inspirato) omne id fugatur, quod per eccentricitatem & exorbitationem à vero centro, corpori adhospiratur, penetrat totum corpus, quod non fixum & p.n. est, abolet, totius hominis harmoniam rectificat, vitalem spiritum conservat, peccatorum stipendium, mortem & ipsius *περὸ ἐγμῶς* morbos Chronicos tum acutos, pellit, hominemque in prospera valetudine ad vitæ finem usque conservat.
- B** Quidquid sit, nobis sanis ægrisque Jesus sufficit, qui est resurrectio & vita, in quem qui crediderit, quanquam moriatur, in æternum vivet *Joh. 11, 25.*

Divinam curandi methodum præsentis Scribæ & Pharisæi concoquere non potuerunt. Erant enim sapientiæ & intelligentiæ cœcitate sic multati, ut qui vita indigni essent, haberent vitam ante oculos, nec viderent, ut eleganter *Cyprianus* de Idol. Van. Unde nescii in Christo *θεοῦ θεῶν ὄρω* habitare πᾶν τὸ πλήρωμα τῆς θεότητος *σωματικῶς* *Coloss. 2, 9.* ex carnis & corporis humilitate eum æstimantes, *Ἀλλογιζόμενοι* vel *ἐνθυμειθέμενοι* dicuntur *ἐν ταῖς καρδίαις* *Matth. 9, 4. Marc. 2, 6. 8. Luc. 5, 21. 22.* Enimverò passim in Sacris Oraculis Cordi, non cerebro, cogitationes tam bonæ quam malæ, & reliquæ rationalis animæ facultates seu *δυνάμεις* adscribuntur. Nolo singulorum locorum calculum ponere nimis operosum. Ex multis evolvantur *Gen. 6, 5. 8, 21. Deut. 29, 4. 2. Sam. 15, 6. 1. Reg. 3, 9. 12. 8, 58. 1. Par. 29, 17. Psal. 24, 4. 50, 12. 19. 101, 2. 105, 25. Prov. 23, 33. Esa. 6, 10. Jer. 17, 9. Thren. 1, 1. 2, 18. 19. Matth. 12, 34. 35. 15, 19. Marc. 3, 5. 7, 6. 21. 22. Luc. 12, 34. Rom. 2, 15. 10, 10. Eph. 1, 18. 6, 5. 6. Col. 3, 15. 2. Thess. 3, 5. & infiniti alij.*

Dissentiunt Medici & Anatomei ad unum omnes, nec cordi primariò, sed cerebro cogitationes assignant. In cerebro enim seu capite omnia rationis sensuumque instrumen-

ta e-

ta elucent, per quæ objecta sensuum & cogitationis cerebro, A
 neutiquam cordi remoto, dijudicanda afferuntur. Id quod
 ex utriusq; visceris affectionibus clarius patebit. In Apo-
 plexia læso cerebro, obstructisq; vel ventriculo nobili, quod
 ut plurimum contingit, invenitq; *Fernelius* l. 2. abd. Caus. vel
 ventriculis lateralibus, quod observavit *Chiffletius* l. 1. Dæ-
 dalm. c. 4. vel ipsa substantia, quod viderunt *Pavus* p. 1. de Of-
 sib. c. 6. & comm. in *Hipp.* de Vuln. Cap. p. 108. *Panarolus* Pen-
 tec. 1. Obs. 17. vel deniq; sinibus, quod *Nymmano* c. 15. de A-
 popl. apparuit; illæso corde alternisq; motibus agitato, ab-
 olentur sensus omnes externi interniq;, cogitatio omnis &
 omnis rationis usus cessat. In sternutatione, Epilepticis B
 convulsionibus imaginatio, cogitatioq; eo momento perit,
 non cordis sed cerebri vitio, ut in dissectis annotarunt *Sme-
 rius* l. 10. Misc. p. 578. *Ballonius* l. 1. Ephem. p. 69. *Choiter* in
 Obs. *Fernelius* l. 2. abd. Caus. c. 15. *Erastus* part. 4. disp. contr.
Parac. Salmuth Cent. 1. Obs. 17. *Costerus* in Obs. Fontani p. 13.
Riverius Cent. 1. Obs. 37. *Glandorpius* Spec. Chirurg. Obs. 6.
Hildanus Obs. 6. C. 1. *Bontius* Med. Ind. Obs. 1. ante quos *Hip-
 pocrates* l. de Morb. Sacr. Par sit iudicium de depravatis cere-
 bri actionibus in Comate vigili, Vertigine, delirio, Melan-
 cholia, Mania, stultitia & fatuitate, in quibus cerebrum labo-
 rare certa Anatomicorum dissectio docuit. Hinc in affectio- C
 nibus hujusmodi cerebro, non cordi, remedia interna exhi-
 bentur, externa applicantur. Imò bruta ratione carentia,
 eandem nobiscum cordis habent fabricam, capitis cerebri-
 que diversam. Monstra humano corpore sed capite mori-
 busque ferinis, qualia *Weinrichius* de Monstr. c. 41. *Licetus* l. 2. de
 Monstr. c. 58. aliiq; descripserunt, ex censu hominum exclu-
 denda, ideoque majori jure nata occiduntur, quam alia apud
 veteres, quæ exposita, in Insulas deportata, expiataque flammis,
 ferro, undâ, variorum fide accepimus. Magnum huc mo-
 mentum confert cor læsum salva intellectus ratione. Exulce-
 ratur sæpe sana imaginatione, & contabescit in Hæctica, fe-
 bribusque malignis. Observavimus in Dysenteria Epidemica
 nuper grassante, flaccido corde, pulsibus intermittentibus,
 G prostra-

48

A prostratis omninò viribus, ad extremum effugientis animæ halitum cerebri functiones omnes viguisse. Ruit ex hac suppositione mole sua *Helmontij* Paradoxum tr. de Sed. Anim. qui cogitationum sedem ortumq; vitia virtutesq; stomacho condonat autoritate Christi: *Quæ cogitationes adscenderunt ad cor vestrum, non descenderunt ad cor, vel surgunt à corde vestro.* Misere deceptus textui affinxit, quod nusquam nec scriptum nec pictum. stomachum, impuram animæ illius sedem in *Anatome* nostra *Reformata* sine stomacho impugnauimus. Quod verò cordis inhabilitatem à perpetuo motu metiatur, quasi cogitatio omnis in quiete reponatur, aliis relinquo. Capitis, ubi principes animæ functiones tanquam in editissima arce munitis sedibus includuntur, ne erremus, non semel inter principes corporis partes mentionem facit Codex Sacer. In Prot-evangelio *Gen. 3, 15.* semen mulieris conteret caput serpentis, h. e. potestatem omnem, omnem astuciam ex capite progeneratam, qua commate primo commendabatur, eludet. *2. Sam. 3, 8.* Iphobetho responsurus Abner, negat se *caninum esse caput*, h. e. stolidum sine cerebro aut prudentia. *2. Reg. 12, 17.* Hasael faciem preparabat ut bellum Hierosolymitanis inferret. H. e. Serio apud animum conclusit. *Gloss Dan. tog sig alvorligen for.* Animi passiones capiti imputantur, spes & lætitia *Luc. 21, 28.* Mœror & tristitia *Thren. 3, 5.* *Circumdedit caput felle & labore. Cantic. 5, 2.* Sponsus Christus sponsam alloquutus: *Caput meum plenum est rore*, h. e. anxietate & dolorum multitudine. Hinc summæ devotionis signo in maximo luctu caput pulvere adspergebant *2. Sam. 1, 2. Job. 2, 12. Judith. 4, 12.* radebant *Job. 1, 20. Esa 15, 2. Mich. 1, 16.* detegebant *Levit. 10, 6.* Nimium autem quam Scripturæ familiare, dignitatem omnem & summam potestatem capitis nomenclaturâ signare, quod ratione & prudentiâ vel acquiratur vel conservetur. *Ephes. 1, 22.* Christum dedit *κεφαλῶν*, non cor, super omnia Ecclesiæ, quæ illius corpus dicitur *Coloss. 1, 24. 1. Cor. 11, 3.* *omnis Viri κεφαλῆ Christus est: caput mulieris Vir: caput Christi, Deus.* Nolo veterum testimonia congerere vocis *ἄνω*, quæ *Ducem, Principem, Principium* cuiusq; rei & *verticem* denotat, imò totum hominem

minem. Ipsam si in consilium adhibeamus creationem, cu-
 jus, iudice *L. Danæo* Phys. Christ. c. 3. certior ex S. S. quam par-
 ticularis Physicæ cognitio; negotium pro Medicis confectum
 erit, non cordi primum infusam rationalem animam functio-
 num harum autorem, sed capiti. *Gen. 2, 7: Et inspiraverat in*
naves ejus spiraculum vitarum, & factus est homo in animam vi-
ventem. Ab hoc halitu, in nasum inspirato, vita hominis de-
 scribitur *Job. 27, 3. Es. 2, 22. Thren 4, 20. פִּנְנָה* in faciem vel
 nares, utrumq; enim notat פִּנְנָה, irasq; & furores in facie emi-
 cantes. Vide *Pagninum & Mercerum.* *Aslachus* noster Phys.
 Christ. p. 327. narium præcipuam fieri mentionem suspicatur,
 quod anima, dum in corpore versatur, potissimum externè in
 naribus deprehendatur. Forsan per patula narium forami-
 na ad cerebrum primò inducta fuit anima, vel certè anima ra-
 tionalis ad cerebrum, vitalis ad cor delata, si, me repugnante,
 animarum distinctionem urgeas. Odoribus aëriq; per nares
 ejusq; Os cribriforme & processus mammillares ad cerebrum
 tam patet aditus, quam ad pulmones & cor per asperam arte-
 riam. Illis indiget & animalis in cerebro spiritus, unde qui-
 bus exhaustus, validè, citò & densè inspirant *Gal. 1. de diff.*
Resp. Erasistrato si credimus, aëre nutritur, quod experientiâ
 comprobatur *Galenus* de Util. Resp. huc non advocandâ, Sciendi
 cupidos ad elegantem *J. Olbafij* De Mot. Cereb. remitto disputa-
 tionem. Faciem si eligamus, vis animi omnis hic tanquam in
 speculo elucet, capitiq; & intus recondito cerebro obtendi-
 tur, per oculos, nares, auresq; propria animæ interioris offi-
 cia exsequitur, ut qualis illius sit condicio, inspecta facie, visis
 oculis, faciliè divines.

Quamquam igitur alibi cogitationes assignent cordi Di-
 vina paginæ, loqui tamen ex vulgi opinione, vix dubitamus,
 quod cordi tantum tribuit, quia conspectior illius & nun-
 quam intermissus sit motus. Cor enim cogitationum causa
 est remota, qua arteriosum sanguinem per Carotides Cervi-
 calesq; arterias cerebro spiritibusq; animalibus distribuit: af-
 fectionum animi sedes, quia pro illarum diversitate variè al-

A teratur à sanguine seu ebulliente, seu torpente. Objectorum quippe omnium species per oculos, aures &c. cerebro afferuntur, à Sensu communi & Phantasia apprehenduntur & discernuntur, proq; singularum qualitate tum judicantur. Interea per sanguinem ex sinibus cerebri ad cor per Jugulares venas recurrentem & in cerebro specierum pleno alteratum, vel per nervum sextæ conjugationis cor afficitur & in consensum passionum trahitur, unde palpitatione motusq; vel celer in excandescencia, vel tardus in timore. Taceo varias esse τῆς καρδίας & τῆς καρδίας in sacris notiones, nam modò pro cuiusque rei interiori loco, modo pro homine eoq; per regenerationem depurato, modò pro affectu sincero usurpatur; imò

B in plerisq; locis adversa nobis fronte oppositis, observavi cogitationem quædam cordi consignatam, sed cum affectu conjunctam, sive amore, mœrore, ira vel odio, quemadmodum ex odiosa Phariseorum cogitatione, hujus Dissertationis occasione, est manifestum.

Nihil motus sinistra æstimatorum censura καρδιόγνος. Jesus, præmissa Methodi suæ Apologia, ad curandum Paralyticum animo jam sanum, unico verbo digreditur: σὶ λέγω, ἔγειραι. Non affirmativa ista dictio, qualis Matth. 18, 19. Sed imperativa cum potestate, ejus qui verbo solo omnia creat servatq;, cuiusque proprium est sic imperare, sicut Marc. 4, 39. C Joh. 5, 8, 9. Sibylle de eo exstat oraculum.

Πάντα λόγῳ παρὰ τῶν πασάντων νόσον θεραπεύων. Neq; utiq; mirum, ut verba Lactantii mutuer I. 4. de Ver. Sap. c. 15. quod verbo faciebat mirabilia, cum ipse esset Dei verbum, cœlesti virtute ac potestate subnixum. Nominis ejusdem vi & autoritate Apostoli portentose ægris sanitatem è postliminio revocarunt Act. 14, 9, 10, 34. tantamq; virtutem ad posteros transmiserunt imperantis verba, ut Longa Paralytica uxor Longi Consilarii Regii Neapolitani 1508. in Templo B Virginis Lauretano, illicò sanata sit quum Sacerdos ad hunc Evangelii locum venisset: Tibi dico, surge, si fides penes Turfelinum. l. 2. hist. Lauret. c. 10. Ibidemq; eodem auctore, l. 4. c. 26. Christina Ducis Lotharingiæ conjunx, & filia Regis Daniae

Dania, voto suscepto cum sanitate rediit in gratiam. At jure A
 meritissimo malefica illa Brugenſis, quæ omnes morbos ſolo
 verbo procuravit ſi ſibi crederetur, nulla Chriſti mentione,
 Diabolica judicata eſt apud Jo. Dambouderum Prax. Rer. Cri-
 min. c. 37. §. 21.

Ad morborum exilium vel levamen humana verba na-
 turali virtute an quidquam conferant, agitata ſæpius quam ſo-
 luta feliciter controverſia. Nunquam mordicus negarem, quia
 1. Varia verborum prolatione, ær alteratur tam ille qui per
 vaſorum oscula in cutem deſinentia per tranſpirationem in-
 greditur, quam in aures, nares, pulmonesq; delatus. 2. Voci-
 bus diverſus efferentium ſtatus ſeu calidus ſeu frigidus vim B
 imprimi diverſam, quam aſperæ arteriæ reliquorumq; voca-
 lium instrumentorum diſpar conſtitutio vel acuit vel gravat.
 3. Calido oris hiatu in aures immiſſo Epileptici paroxyſmi diſ-
 ſtantur, & clamore, inprimis ſi vox certis numeris adſtringa-
 tur. Ter in aurem inſurrando ſæpius *Riolanus* eſt expertus.
 De Epilepſia autem ex flatibus orta ſuccedere experimentum
 cum ſucceſſu in puella obſervavit *Walaus*. In aliis irritum de-
 prehendi: 4. Inſurratis quibusdam verbis ſordiculæ ocu-
 lorum & hordeola eruuntur, tradente *Marcello* Empirico. Cer-
 tè in depoſitione Cataractæ Chirurghi halitum ſuum oculis in- C
 ſpirant ſceniculo aliisq; temperatum. Quod verò addit *Mar-
 cellus* necari quoq; lumbricos, fidem meam ſuperat, niſi de fla-
 tu per fiſtulam anò immiſſam interpretemur. 5. Voces ad ſani-
 tatem conferentes, vel ſimplices ſunt, de quibus jam dictum
 ante, vel in certos ordines connexæ. Hæ vel Symphonica
 & ſuaves, vel cum terrore conjunctæ. In certos rythmos car-
 mina compoſita apud veteres coelo lunam deduxerunt, in Iſ-
 landia adhuc uſitata. De his in Paralytico primo egimus, ubi
 & Muſices concentum laudavimus. Vocibus terror additus,
 corpora non leviter de ſtatu ſuo deturbat. Ita filii Iſrael à
 Moyſe deprecabantur, ne illis loqueretur Jehovah, ne forte
 morerentur, *Exod.* 20, 19. Petrus *Act.* 5, 5. 10. Ananiam acrius
 increpans cum uxore ad necem compulſit. *Nicephorus* l. 4. me-
 morat, fuiſſe quædam vocabula Eberina, quæ ad ter-
 rorem

Arorem proponi solerent eorum qui initiabantur. Viso Scorpione, si quis *Bud* dicat, ictus cohiberi quidam affirmant. Ceterum notandum monemus 1. huiusmodi voces, nisi à flatibus vel levi causa dependeant, nullo morborum generi profuisse. 2. Ad decipiendum vulgus addi subinde manuum operationibus vel superstitiosis ritibus verba ex se ponderis nullius. Ita *Caronem* ludicris non assuetum, luxata membra accepimus reposuisse, saltatoriis verbis prolatis: *Danata, Daries, Dardaries, Asararies*. 3. Voces rythmicas & symphonicas per accidens multis extitisse salutare, vel turbatos animi motus sedando, ut in *Saulis Melancholia*, quibus compositis facilius omnia ex voto fluunt, vel ad corporis exercitationem incitando, unde sudore oborto noxiæ humiditates excluduntur, quod in *Tarantulæ* morfu credimus. 4. Alexipharmaca aliaque morbis opposita medicamenta utramque fecisse paginam, & validam ægrorum **B**imaginationem,


Verum enimverò Archiater *Iesus* solo verbo imperij sine minis, tactu, aut rythmico concentu, sine medela ulla, antiquatos morbos & pertinaces portentose curavit, integrè nullam moram interpositam restitutis viribus. Accepto enim divino mandato *Paralyticus* membris omnibus captus, recepta repente incolumitate, humerisque roboratis, lectum morbi testem & fauorem ipse sine difficultate reportavit. Lectus hic pauperulus erat & ab uno mole exiguus potuit gestari. *Κλινη* dicitur & *κεφάλαιος*, quamvis illa cum arca sepulcrali seu sandapila plebejorum pari passu ambulet, ut ex *Phlegone, Philodemo* aliisque **C**annotavit *Cl. Salmasius* ad *Solin.* p. 1207. Figuramque *Hyginus* depingit. *κεφάλαιος* autem tenuioris fortunæ erat lectus, unde *cratem ligneam* hoc loco vocat *Maximus* in *Orat. de Adv. Chr. Cicero* l. 2. de *Div:* Deos circumcursare non modo lectos, verum & grabatos monet, h. e. divitibus juxta ac pauperibus adesse. *Martial.* l. 6. Ep. 39, de liberis *Cinnæ* inservorum lectis humilibus & luparum lectis prognatis, quos suos credidit:

Sed in grabatis, tegetibusque concepti

Materna produnt capitibus suis furta.

Frustra igitur *Esaius* comm. in *Evang.* grabatum distinguit.

stinguit à lecto, quod ille sit fulcrum lecti. Autore idoneo caret, & versiones omnes adversas sibi habet, quæ lectum & grabbatū, sequutæ Sacros historicos, eadem voce exprimūt. *Σκιμπίδιον* de eodē grabbato ægrotorum ceperè *Gellius* l. 19. Noct. Att. *Hesychius*, *Galenus*, qv l. 10. Meth. Med. ad balneum Hædicos *ἡνί τῆ σκιμπίδος* portari voluit. Unde nimio Zelo ardens *Spiridon* Episcopus *Trimithuntis* in *Cypro* *Triphylhium* reprehēdens, quod in Sacra concione seimpoda



vico

- A** vice grabati reposuerit, teste *Sozomeno* l. i. hist. Eccl. Atticæ linguæ ignarum se prodidit, quippe ex *Phrynichio* συμπαδίων Atticis dicitur quod communiter ἀγβλαῖον. Grabatos Paralyticorum ante oculos nobis posuit *Bosius* ex Roma subterranea lib. 2. *Rom. subt.* c. 8. p. 101. l. 3. c. 4. 23. p. 159. 233. Paralytici injectos humeris, ut levissimi operis fuisse appareat. Tria genera ex illo depinximus, pro numero Paralyticorum, quorum ex pedibus differentia. Humilitate omnia commendantur, ægrisq; adscensuris percommoda. In primo fulcrum capiti apponitur, pedibus ægri in secundo. Uterq; vero lectus altioribus pedibus caput elevat, humilioribus inferiorem corporis partem sensim demittit. Tertius sine pedibus, humi sterni aptus,
- B** sex baculis supra ornatus, ad commodam gestationem, quibus & per tectum sive funiculis alligatis, sive opera manuum demitti potuit. Huic paupercula culcitra instrata vel linteum ægro corpore tegendo usitatum. Commodus Paralytico egeno hie lectus, qui ex loco in alium à quatuor transferri posset, & à se solo sanitati restituto. Tales ægrotis Medici veteres conficiebant. *Celsus* enim l. 2. c. 15. plura gestationis genera adhibet, quæ sint & pro viribus cujusq; & pro opibus, ne aut imbecillum hominem nimis digerant, aut humili obsint. Ibidem lectos ægrotantium quoq; distinguit, ut alii sint lecticæ seu immobiles, alii suspendantur & moveantur, aliis uno pede lecti funiculus subjiciatur, & huc illuc manu impellatur. Ad institutum magis *Oribasius* l. 9. *Collect. Med.* c. 14. varia strata recenset, pedibus humilibus, vel sublimibus, vel mediocribus, mobilium, parvorum, magnorum profundorum &c. Parva damnat quidem ob molestiam, & pedes humiles quia caput repletur, sed si locus ex loco commutandus, laudat, imò pauperi non negligenda.
- C** Nos cum Paralyticis composito hinc lecto & collectis vasis discessuri, ne operosâ curâ circa resolutos diutius occupati, corporis animiq; torpore stupeamus, Archiatrum Jesum supplices oramus, ut sarcina delictorum expeditos, & molestis ægritudinum lectulis liberatos, excipiat tandem vera sanitas cum securitate, securitas in æternitate.

COROLLARIA MEDICA
ET ANATOMICA.

1. *Paralyfin omnem in abdomine habere sedem,
Helmontio non concedimus.*
2. *Paralysis refrigerantibus quoq, curatur.*
3. *Paralyseos post colicam facilis invenitur via.*
4. *Nervos carvos esse opus non fuit.*
5. *In nervis dari Circulationem, Regio nec-
dum credimus.*
6. *Præter spiritum Animalem aliud in nervos
ad sensum & motum influere videtur.*
7. *Cæci intestini defectus in nupero subjecto,
Helmontij fermentum stercoreum destruit.*
8. *Mediastini & pericardij in eodem confusa
substantia utriusq, eundem usum demon-
strat.*
9. *Lacteum thoracis vas ibidem denuò à no-
bis observatum, novum Riolani summi u-
sum impugabit.*
10. *Hepar ad refrigerium cordis factum Hor-
nio amico amice negamus.*



fota 21 331

